



資治通鑑考異卷第二十七

唐紀十九

光化元年正月韓建為修宮闕使

實錄建以行宮卑

獻城南別墅建初修南莊起樓觀疏池沼欲為南內行廢立之事其叔父豐見其跋扈謂建曰汝陳許間一民乘時危亂位至方鎮不能感君父之惠而欲以同華兩州百里之地行廢立覆族在且莫矣吾不如先自裁免為汝所累由是建稍弭其志及李茂貞表請助營宮苑又聞朱全忠繕治洛陽累表迎駕建懼故急營葺長安率諸道助役而又親程功焉按建若欲廢立何必先營南內今不取

九月羅弘信薨

薛居正五代史梁紀弘信傳太祖紀年錄皆云弘信八月卒按八月昭宗

還京弘信猶加官舊紀傳九月卒今從之實錄十月約奏到也

十月王珙殺王祝

祝為給事中并遇害舊紀實錄皆無年月今因珙伐河中事附此

十一月崔洪以弟賢為質十國紀年洪託以將士不受節制遣兄賢質於汴按

舊紀十月汴將張存敬以兵襲蔡州刺史崔洪納款請以弟賢質于汴許之實錄亦云弟賢今從之

二年三月朱全忠遣丁會下澤州實錄丁已葛從周復取澤州按編遺

錄丁已河橋丁會收復澤州實錄云從周誤也唐太祖紀年錄三月周德威敗氏叔琮於洞渦驛先是逆

溫令丁會將兵助李罕之戍潞州至是葛從周復入潞州以代丁會賊復陷我澤州梁實錄薛史梁紀皆

云六月方遣從周入潞州紀年錄於此連言後事耳

六月葛從周代丁會守潞州編遺錄六月乙丑李罕之疾甚請歸河陽丁郊

上令抽大軍迴以丁會權制置綏懷上黨上乃東歸不言遣從周入潞薛居正五代史梁紀六月帝表丁

會為潞州節度使以李罕之疾亟故也又遣葛從周由固鎮路入于潞州以援丁會梁實錄後唐紀皆云

代會自此至潞州破賀德倫走不復見會名或者李罕之既卒復召會守河陽以從周代之不可知也今

因會鎮潞

終言之

三年七月李嗣昭敗汴軍於內丘唐太祖紀年錄七月

內丘遇汴軍三千戰敗之擒其將李瓌薛居正五代史後唐紀與紀年錄同惟唐末見聞錄八月二十五

日嗣昭領馬步五萬取馬嶺進軍下山東某月山東告捷收得潞州九月二日嗣昭兵士失利却回新紀

八月庚辰陷潞州薛史唐紀九月嗣昭棄城歸蓋據此也按編遺錄八月廿六前月二十五日上於毬場

饗士忽有大風驟起占者曰賊風果於是時李進通領蕃寇出攻潞州然則嗣昭出兵乃七月二十五日

也編遺錄又曰八月乙丑出兵救潞州乙丑九日也又進通敗奔歸太原在八月見聞錄誤今從編遺錄

紀年錄

八月嗣昭敗汴軍于沙門河編遺錄七月二十五日

來攻潞州八月乙丑發大軍救應之上尋亦自領衙軍相繼北征翌日達滑臺軍前馳報潞州已陷刺史

朱紹宗因踰堞墮而傷足為賊所擒唐太祖紀年錄
八月李嗣昭又遇汴軍于沙門河擊而敗之進攻洛
州刺史朱紹宗挈其族夜遁我師追及擒之唐末見
聞錄八月二十五日嗣昭進軍下山東某日山東告
捷收得洛州捉得刺史朱温姪男舊紀八月庚辰嗣
昭攻洛州下之薛史梁紀八月河東遣李進通襲陷
洛州新紀亦在庚辰乃二十五日也

實錄在九月約奏到今從編遺錄
九月葛從周大破李嗣昭
唐太祖紀年錄葛從周攻
洛州嗣昭棄城而歸是役

也王郤郎揚師悅陷賊洛州復為汴有唐末見聞錄
九月二日嗣昭兵士失利却回被汴州捉到王郤郎
編遺錄薛居正五代史梁紀八月帝遣葛從周屯黃
龍鎮親領中軍涉洛而寨晉人懼而宵遁洛州復平
唐紀九月汴帥自將兵三萬圍洛州嗣昭棄城而歸
葛從周伏青山口嗣昭軍不利實錄九月嗣昭棄洛
州敗於青山山口今從唐

末見聞錄唐紀實錄
十月馬殷克桂州
唐烈祖實錄新唐書本紀路振九
國志楚世家皆云光化二年殷克

桂州馬氏行年紀及王舉大定錄云天復元年惟曹
衍湖湘馬氏故事云天復中子宣晟自安州入桂州
天祐四年丁卯十二月收嶺北七州明年十月平桂
州差繆極甚新唐書方鎮表光化三年升桂管經略
使為靜江軍節度而本紀乾寧二年安州防禦使宣
晟陷桂州靜江軍節度使周元靜部將劉士政死之
歲月既已倒錯又以士政為元靜部將同死尤為垂
誤今據武安節度掌書記林崇禧撰武威王廟碑云
我王臨位五歲而桂林歸款自乾寧三年
至光化三年五年矣又與實錄合故從之

十一月庚寅劉季述等廢立
按此月乙酉朔己丑五

日舊紀云庚寅舊宦者傳唐年補紀皆云六日無云
五日者而實錄新紀云己丑誤也唐太祖紀年錄先
云六日後云七日尤誤也崔胤所恃者昭宗耳季述
議廢立安肯即從之補錄紀年錄云脅之以兵是也
唐補紀云皇后穴牆取太子又云令旨宣告大臣與
社稷為主又云后白軍容令聖上養疾皆程匡柔為
宦者諱耳
不可信也

解崔胤度支等使舊傳劉季述畏朱全忠之強不敢官而已胤復致書於全忠請出師返正故全忠令張存敬急攻晉絳河中按舊紀新紀新宰相表此際皆無胤罷相事全忠攻晉絳河中乃在明年返正後今不取

十二月李振勸朱全忠討季述薛居正五代史李振

入奏於長安邸吏程巖白振曰劉中尉命其姪希貞來計大事既至巖乃先啓曰主上巖急內官憂恐在中尉欲行廢黜敢以事告振願希貞曰百歲奴事三歲主亂國不義廢君不祥非敢聞也况梁王以百萬之師匡輔天子幸孰計之希貞大沮而去振復命劉季述果作亂程巖率諸道邸吏牽帝下殿以立幼主振至陝陝已賀矣護軍韓彛言其事振曰懿皇初屏退韓中尉殺長立幼以利其權遂亂天下今將軍復欲爾邪彛範即文約孫也由是不敢言編遺錄上雖聞其事未知據實但懷憤激丁未上離定州軍前十二月戊辰辰達大梁欲潛謀返正乃遣李振偵視其事振迴益詳其宜也尋馳蔣玄暉與崔胤密圖大義

薛史梁紀季述幽昭宗立德王裕為帝仍遣其養子希度來言願以唐之神器輸於帝時帝方在河朔聞之遽還于汴大計未決會李振自長安使回因言於帝云云帝悟因請振復使于長安與時宰潛謀返正按季述廢立之前李振若已嘗立異今豈敢復入長安與崔胤謀返正乎今從編遺錄又按唐太祖紀年錄及舊張濬傳皆云濬勸全忠附官與紀年錄及舊傳相違恐梁實錄誤振傳據實錄也唐補紀曰自監國居位將及五旬歲表不來朝野驚虞亢旱時多虹蜺背璠崔胤觀其不祥便謀內變潛行書檄於關外播揚辭舌於街衢朱全忠封胤亂檄書并手札等與季述云彼已翻覆早宜別圖無何季述以此書示于崔胤曰比來同匡社稷却為鬪亂藩方不審相公何至於此亂唯云無此事遭人反圖刻蠟偽名自古乃有軍容若行怪怒則乞俯存家族季述乃與言誓相保始終胤其夜便致書謝全忠云昨以再誠諮撓尊聽却蒙封示左軍劉公其人已知意旨今日與胤設盟不相損害然遠託公為主方應保全兼送女僕二人細馬兩匹全忠覽書大詬曰劉季述我與伊同王事干

二三年兄弟之故特令報渠不能自謀却示崔相道
 我兩頭三面實是難容我若不殺此公不姓朱也乃
 擲於地其使者走一健步直申崔公從茲與大梁同
 謀大事按崔亂歸來內倚昭宗外挾全忠與宦官為
 敵今昭宗既廢亂所以得未死者以與全忠親密故
 也全忠安肯以其書示季述季述恨亂深入骨髓若
 得此書立當殺亂豈肯復以示亂而與之盟誓也
 此殊不近人情皆程匡柔黨宦官疾亂之辭耳

天復元年正月全忠封東平王舊紀二月以全忠守中書令進封梁王薛

居正五代史梁紀正月癸巳進封帝為梁王酬返正
 之功也實錄癸巳沛郡王朱全忠加定謀宣力功臣
 進封東平王新紀二月辛未封全忠為梁王按編遺
 錄此年二月辛未表讓梁王三年二月制云兔苑名
 邦睢陽與壤光膺簡冊大啓封疆可守太尉中書令
 進封梁王或者今年已曾封梁王全忠讓不受改封
 東平王至三年乃進封梁王而三年制
 爵前官爵已稱梁王蓋誤也今從實錄
 崔胤留岐兵三千宿衛唐補紀曰其月八日李茂貞朝觀留二千人在右街侍衛

而回崔胤申朱全忠請三千人在南坊宅側安下鳳
 翔劫駕西去朱全忠又聞以車子載器仗稱是紂紂
 進奉推車子人皆是官健入崔胤宅中人心驚惶不
 同前後崔胤累差人喚召朱全忠不到新傳韓全海
 等知崔胤必除已乃已因諷茂貞留選士四千宿衛
 以李繼徽物之省亦諷朱全忠內兵二千居南司以
 婁敬思領之蓋取唐補紀耳按韓偓金鑿密記偓對
 昭宗云當留兵之時臣五六度與崔胤力爭胤曰某
 實不留兵是兵不肯去臣曰其初何用召來又胤云
 且喜岐兵只留三千人據此則是亂召茂貞入朝仍
 留其兵也又舊紀梁實錄編遺錄薛居正五代史梁
 紀等諸書皆不言全忠嘗遣兵宿衛京師若如唐補
 紀所言岐汴各遣兵數千人戍京師則昭宗欲西幸
 不則先追去今皆無此事蓋程匡柔得於傳聞又黨
 於宦官深疾崔胤未足信也然胤所以欲留茂貞兵
 為已援者蓋以茂貞自以誅劉季述為已功必能與
 已同心讎疾宦官以利誘之遂復與宦官為一耳今
 從金鑿記

二月李克用修好於朱全忠唐末見聞錄乾寧四年六月差軍將發往汴州

為使其書云云汴州回書云云據全忠書有前年洹水曾獲賢郎去歲青山又擒列將又云鎮定歸款浦

晉末和則非乾寧四年明矣唐年補錄天復元年五月壬午制以朱全忠兼領河中乃詔與太原通和初

朝廷以全忠吞併河朔又收下蒲津必恐兵起相侵乃下詔太原夷門使務和好時太原意亦以全忠漸

強先以書聘全忠書辭與見聞錄同全忠答太原書又進表云臣與太原曾於頃歲首締歡盟及其偶撥

猜嫌止為各爭言氣又云但以來書意指未息披攘又云臣詳茲來意益切憤懷不敢遂與通和必恐有

孤朝寄已遣諸軍進討訖續寶運錄載全忠表云臣當道先自河府抽軍便赴太原進討已累具狀分析

聞奏訖臣今月二十三日部領牙隊到東都李克用差到專使張持與臣書一封并馳馬弓箭銀器匹段

等與臣通和其張持臣且與迴書放歸訖當月河府由回兵士即勒權於河陽屯駐見耕比收復路州便

遷迤此太原進討次其李克用與臣書一封謹隨狀封進天復四年二月奏其年三月二日表到駕前奉

襄宗三月八日敕云云天復四年尤誤也編遺錄大復元年二月李克用遣一軍將張持執檄厚幣而來

釋憾亦差軍將持函以為報又曰辛巳上欲比回軍便征北虜近者李克用以甘言重幣請通和好遂具

事奏聞語與補錄同唐太祖紀年錄天復元年六月太祖以梁寇方疆難以兵伏陽降心以緩其謀乃遣

押牙張持持幣馬書檄以諭之請復舊好書詞大陳比邊五部士馬之盛皆吾外援朱温視之不憚令敬

翔修報詞旨踈拙人士嗤之薛居正五代史梁紀天復元年二月李克用遣牙將張持來聘帝亦遣使報

命李襲吉傳天復中武皇議欲修好於梁命襲吉為書以貽梁祖書辭與見聞錄同其年月日各參差不

同据全忠答太原書云今月二十二日使至又上表云先自河府抽軍赴太原又云二十三日使至又上表

克用書達全忠必在天復元年二月下旬今從編遺錄梁紀

五月氏叔琮等自石會關歸編遺錄四月壬戌上以李克用遣張特齋書請

尋權盟乃指揮諸軍所在且駐留見差發專人入太原許通權好兼并州地寒節候甚晚戎馬既多野草

不足於芻牧尋令氏叔琮迴戍後唐太祖五月氏叔琮及四面賊軍皆退薛史梁紀班師在四月後唐紀汴軍退在五月蓋全忠以四月命班師而叔琮等以五月離晉陽故國史記之各異也

六月癸亥朱全忠如河中薛居正五代史梁紀庚申帝發自大梁今從編遺錄

閏月丁會為昭義節度使薛居正五代史會傳自河陽以疾致政於洛陽梁祖

季年猜忌故將功大者多遭族滅會陰有避禍之志稱疾者累年天復元年梁祖奄有河中晉絳乃起會

為昭義節度使按光化二年六月會自河陽為昭義節度使九月李克用取潞州表孟遷為節度使特罕

之已卒必是會却領河陽至此纔二年則非致政稱疾累年也又是時全忠未嘗誅戮大將疑會降河東

後作傳者誤以天祐中事在前言之耳

崔胤召朱全忠唐太祖紀年錄會亦入寇同華宦者知崔胤之謀時胤專掌三司泉貨韓

全誨教禁兵伺胤出聚而呼謀訴以冬衣減損軍人又上前披訴天子徇衆情罷崔胤知政事崔胤怒急

召朱溫請以兵師入輔唐補紀時朱全忠在河中胤替作急詔令全忠入朝又修書云云全忠得此書詔便發河中還汴按是時全忠未寇同華胤亦未罷紀年錄誤今從唐補紀

十月全忠舉兵發大梁薛居正五代史十月戊戌奉密詔赴長安是時朝廷軍國

大政專委崔胤崔胤每事裁抑宦官側目崔胤一日於便殿奏欲盡去之全誨等屬垣聞之中官視崔胤

裂以重路甘言誘藩臣以為城社時因譙聚則相向流涕時崔專掌三司貨泉全誨等教禁兵於昭宗前

訴之昭宗不得已罷崔胤知政事崔胤急召太祖請以兵入輔故有是行按帝幸鳳翔前崔胤未罷相此與太

祖紀年錄略同亦誤

丁酉宮禁諸門增兵防守按金鑿記二十日入直隔夜崔公傳語明日請相看

侵早到門崔出御札相示然則添人把門及降御札皆十九日事實錄已亥差人把門已亥乃二十一日

實錄誤也

十一月壬子韓全誨等劫上幸鳳翔續寶運錄其年

士馬十一月入長安聖上幸鳳翔宰臣裴諗翰林學

士令狐渙等扈從其皇后王氏及百官太子王甲龍

服並是汴州迎在華州相次修東都宮室旋迎赴東

都其年十一月初鳳翔士馬入京劫掠街西諸坊寶

貨士女至甚及七日汴州士馬入京赴救長

安士庶並走攢在開化坊其說妄謬今不取

乙卯全忠取華州編遺錄上引兵逼華州韓建輕騎

膳畢却歸赤水營旬日乃請建充忠武節度使梁太

祖實錄乙卯大軍及華州建來降甲辰署建權知華

州事仍以宣武牙推龔麟佐之唐太祖紀年錄丙辰

汴軍攻華州九日建以城降唐補紀同州刺史王行

約閉城登壘全忠斫開城門屠之不啻唯類華州韓

建聞此出城三十里迎之只於迎處云令公本貫許

州便仰衣錦乃差人押出關東舊傳建令李巨川至

河中送款敬報疾其文筆勸全忠害之薛居正五代

史梁祖紀丙辰帝表建權知忠武軍事促令赴任實

錄乙卯全忠取華州丙辰次武功徒建為忠武節度

使按此月無甲辰蓋丙辰字誤也全忠乙卯取華州

丙辰豈能遽至武功唐補紀又云昭宗不知崔胤

行詔命聞朱全忠平雷州十一月三日亥時奔

西去按行約乃克用取同州時節度使也程匡柔

謬多此類今取華州日從梁太

祖實錄李巨川死從昭宗實錄

崔胤請全忠迎駕編遺錄于時長安無人主朝廷無

來喪亂未若今日省請王溥自西京至赤水請上進

軍迎駕戊午離赤水薛居正五代史梁紀已未發赤

水按唐太祖紀年錄朱温至長樂崔胤帥百官班迎

編遺錄胤請王溥自西京至赤水軍前商議實錄云

胤東寓華州又云胤召溥至赤水皆誤也舊紀亦云

胤令溥至赤水促全忠迎駕今從之發赤水日從編

遺錄

戊辰全忠至鳳翔實錄乙丑全忠駐軍岐城之東丙

寅全忠軍至城下按全忠癸亥離

長安乙丑丙寅至岐太

速今從編遺錄新紀

通鑑卷之五十三

卷之三

辛酉全忠移兵趣邠州

金鑿記曰十七日早聞岐師昨夜二更却迴云軍大劔亦

令有表迎駕并述行止汴軍在岐東下寨十八日十

九日白麻盧光啓可諫議大夫參知機務二十日翰

林學士姚洎兼知外制詰二十四日汴令有表奉辭

東去二十五日汴軍離發延英門舊紀癸酉全忠辭

去今從編遺錄

崔胤責授工部尚書

實錄載制辭曰三居極位一無可稱又曰無功及人為國生事

按舊傳前云罷知政事落使務後云同平章事鹽鐵

轉運使實錄前云罷省鹽鐵使至此制官位中復帶

鹽鐵使皆誤

二年二月戊寅全忠旋軍河中

實錄在正月按編遺錄二月戊寅上以馮

駐兵車於三原乃議東歸蒲阪遂取高陵櫟陽左馮

入于蒲津梁太祖實錄二月戊申朔上摠御戎馬發

自三原復至武功縣驛焉貞章奉辭迴軍赴蒲坂今從唐年補錄舊紀

三月李嗣昭李嗣源等勸李克用固守

唐太祖紀年錄嗣昭與今

上日夜入賊營斬將塞旗賊多驚擾梁太祖實錄三

月癸丑虜衆悉出友寧以飛騎犯其左右翼虜大敗

共掩殺不知其數擒克用男廷鸞及將校健卒數千

人實錄朱友寧圍太原營西北隅攻其西門城內大

恐克用欲奔雲中弟克寧止之又遣李嗣昭與克用

子存勗日夜擾賊營友寧乃燒營而遁按紀年錄所

謂今上者乃明宗非莊宗也實錄誤

李儼張濬之子

唐補紀二年昭宗自鳳翔遣金吾將

告吳王楊行密為討伐逆賊朱全忠事李儼者宰臣

張濬男其張濬先為都統討太原退軍朝敗韓建力

救不赴賊所只在二峯其男行在乃授金吾將軍昭

宗差來宣告於吳王行密朱全忠探知張濬一門盡

遭殺戮按此年濬未死儼賜姓李見此年十月

五月己未朱全忠發河中

金鑿記五月中三日岐馬步軍敗迴戈傷中不少八日

聞四面百姓盡般移入城內二十一日聞汴帥於郟縣築城及寶雞下寨二十三日聞汴帥至石鼻又至橫渠二十四日聞汴帥至城南十里按編遺錄六月全忠始離渭橋此蓋全忠下遊兵耳實錄據金鑿記云癸亥朱全忠引軍至石鼻乙丑至橫渠已巳駐師城南誤也

六月丁亥全忠圍鳳翔梁太祖實錄六月丁丑暨號俟敵我之將卒躍進決鬪始辰暨午寇大敗屍什萬餘人命諸軍徒寨逼其壘自是岐人繼出師靡不喪我命李暉討平丙戌復遣孔勅領兵由大散關取鳳州按六月乙亥朔無辛未前云丁丑後云辛未又再云六月皆誤從唐實錄

十月李儼至楊州十國紀年沈李昊蜀書張格傳云水之禍改姓名曰李儼九國志云李儼本左僕射張所害播自長水奔鳳翔昭宗賜其姓名來使欲徵兵復讎行密與李全忠書云撰張述於諫省俾銜命於

比天復三年十二月全忠殺濬於長水然則儼來中始以儼為江淮宣諭使以行密充吳王東面行營都統誤也據行密書則儼父在時已賜姓李宣諭行密為討全忠明年春全忠既克鳳翔儼遂留淮南不敢歸朝耳

朱全忠遣司馬鄴奉表入城實錄庚辰司馬鄴奉表

薛居正五代史司馬鄴傳大軍在岐下遣

十一月孔勅拔坊州又取鄜州編遺錄十二月癸酉

鄜州以牽李周彝之兵已亥我師攻陷鄜州獲周彝

親族遂令李暉權知鄜州軍事不數日周彝乃遣幕

實投分通好然上許抽兵梁太祖實錄十一月癸卯

鄜帥李周彝統州兵萬餘人屯于老聃祠之下上命

亥近六十日鄜汴相守豈得全不交兵今從唐梁二實錄
盧光稠陷韶州新紀是歲光稠卒牙將李圖自稱知州事按十國紀年歐陽脩五代史光稠傳開平五年方卒新紀誤也

三年正月丙午王師範遣劉鄩取兗州舊紀丙午青州牙將劉鄩

陷全忠之兗州又令牙將張厚入奏是日亦竊發於華州殺州將婁敬思唐太祖紀年錄是月四日青州帥王師範將劉鄩竊據兗州同日師範將張厚輦戈甲十乘至華為華人所詰因竊發燔其鄩殺華州指揮使婁敬思而去新紀丙午師範取兗州梁太祖實錄丙辰青州綱將亂于華而敗是日劉鄩陷我兗州唐實錄亦在丙辰按長曆丙午正月四日丙辰十四日編遺錄云魏師及朱友寧告急劉鄩正月四日襲陷兗州與紀年錄等同梁太祖實錄多謬誤恐難據今從諸書移置丙午唐祖補紀云天復二年尤誤
戊申誅韓全誨等舊紀丁巳將玄暉與中使押送全誨等二十一人首級告諭四鎮兵

回鑿之則新紀正月戊申殺全誨等唐太祖紀年錄正月甲辰鳳翔李茂貞殺其子繼筠觀軍容韓全誨張彥弘樞密使袁易簡周敬容等二十二人皆斬首囊盛押領出城以示朱温金鑿記六日誅全誨等唐年補錄正月癸卯賜朱全忠詔唐補紀云天復三年二月誅全誨等八人其全誨等伏誅日今從金鑿記實錄新紀按金鑿記唐年補錄唐實錄後唐紀年錄載六日所誅宦官名可見者全誨等四人處廷等十人而金鑿記云是夜處置內官一十九人唐年補錄云全誨以下二十二人首級紀年錄云殺全誨等二十二人此夢瑱言亦云二十二二人首級新傳云繼筠繼誨彥弼皆伏誅是夜誅內諸司使韋處廷等二十二人若并繼筠等數之則多二人若只數宦官則少二人若如金鑿記是夜只誅十九人則多一人或者二人名不見歟

車駕幸全忠營王禹稱五代史闕文曰昭宗佯為鞋

不得已跪而結之流汗浹背時天子扈蹕尚有衛兵昭宗意謂左右擒梁祖以殺之其如無敢動者自是

梁祖被召多不至其後盡去昭宗禁衛皆用汴人矣
按全忠時擁十萬之眾昭宗方脫茂貞虎口託身全
忠豈敢遽為此謀或者欲効漢高祖之
折黥布亦恐昭宗不能辦耳今不取

庚午全忠殺第五可範等數百人舊紀辛未內官第
五可範已下七百

人並賜死於內侍省金鑾記二十八日處置第五可
範已下四百五十人太祖紀年錄內諸司百餘人及
隨駕鳳翔羣小二百餘人一時斬首于內侍省舊傳
與紀年錄同新傳亂全忠議誅第五可範等八百餘
人於內侍省梁太祖實錄已已翌日誅宦官第五可
範等五百餘人于內侍省仍命畿內及諸道搜索處
置以盡厥類唐年補錄云誅宦官七百一十人按舊
紀編遺錄皆云正月辛未誅可範等而梁實錄唐補
紀續實運錄金鑾記唐年補錄薛君正五代史梁紀
新唐紀或云己巳朔日或云二十八日今從之蓋全
忠亂雖奏云罷諸司使務追監軍赴闕其實即日已
擅誅之至二月癸酉始下詔賜死故昭宗哀而祭之
二月陸衰言鳳翔獨無詔書舊傳帝遷京後赦諸道
皆降詔書獨鳳翔無詔

哀奏云云按是時未赦恐止是降
詔書或赦前衰議如此故胤怒耳

蘇檢盧光啓賜死實錄檢光啓並賜自盡一說檢長
流環州唐太祖紀年錄初從幸鳳

翔命盧光啓韋貽範為相又命蘇檢平章事及車駕
還宮胤積前事怒之不一月皆貶謫之左遷陸衰沂

王傅王溥太子賓客蘇檢自盡續實運錄二月五日
應是岐王駕前宰臣盧光啓等一百餘人並賜自盡

新紀朱全忠殺蘇檢盧光啓舊胤傳昭宗初幸鳳翔
命盧光啓韋貽範蘇檢等作相及還京胤皆貶斥之

新光啓傳云檢長流環州光啓賜死與
實運錄注同檢流環州不見本出何書

輝王祚為諸道兵馬元帥金鑾記上曰朕以濮王處
長云云新傳帝十七子德

王裕棣王翊虔王禛沂王禛遂王禛景王祚輝王祚
祁王祺唯王禛瓊王祥端王禛豐王祁和王福登王

禧嘉王祐穎王提蔡王祐何皇后生裕及祚餘皆失
母之氏位舊傳云昭宗十子無端王禛以下七人按

新舊傳昭宗諸子皆無獲王孫光憲續通曆濮王名
紉昭宗之子母曰太后王氏哀帝被殺朱全忠冊紉

為天子吹元天壽明年禪位於梁此乃光憲傳聞謬誤也昭宗亦無王皇后金鑾記所云濮王蓋德王改耳封

朱友裕為鎮國節度使實錄壬辰以興德府復為華州賜名感化軍以友裕為節

度使按編遺錄天祐三年閏十二月乙丑敕鎮國之號與德之名並宜停薛居正五代史地理志華州梁為感化軍梁功臣傳天復三年友裕權知鎮國軍留後今從實錄

五月雷彥威陷江陵成汭赴水死新紀彥威之弟彥恭陷江陵今從編

遺錄舊紀及薛居正五代史十國紀年皆云汭未至鄂者江陵已陷將士立其家皆無鬪志按新紀十國紀年皆云壬子汭敗死壬子此月十二日也而編遺錄云二十二日陷江陵今不取此夢瑣言云天祐中汭死大

許德勳還過岳州鄧進忠降馬氏行年記天復三年自荆南振旅還遂入岳

州降刺史鄧進忠九國志楚世家天祐二年七月岳州刺史鄧進忠帥其眾來降許德勳傳云天祐二年

領兵略地荆南還經岳州刺史鄧進忠以城歸附新紀全用九國志年月湖湘故事言開平中收荆

進忠以城降又載何致雍天策寺碑銘云乃克桂林乃襲荆渚彼岳之陽旋師而取天祐二年十月朱全忠謀討襄州趙匡凝九月克襄州始命楊師厚攻荆

南然則七月許德勳何繇略地荆南蓋九國志之誤天復三年成汭敗死德勳及雷彥威襲江陵還取岳州與何致雍碑意略同故以行年記為據

朱友寧屠博昌唐太祖紀年錄師範之舉兵也朱溫州大舉四鎮魏博之眾十萬擊師範朱友寧楊師厚

攻博興旬餘不下攻城之眾死者太半俄而朱溫至大怒斬其主將復起上山翌日而拔城中無少長皆屠之仍毀其垣四月進陷臨淄傳青州別將攻北海渡膠水寇登萊等郡實錄據此而置於四月梁太祖實錄四月丙子上至鄆領事辛卯從子友寧率師破青州之博昌臨淄二邑殺戮五千餘眾暨北海焉編遺錄五月辛亥却離歷下宿豐齊驛甲寅上到汶陽

乙卯奏王師範逆狀已未上又往歷下壬戌上以兵
士攻取博昌寨下少樹木時當炎毒却勒親從騎兵
皆歸齊州因又前行夜將半客將劉捍謀曰捍請馳
赴軍前傳諭上意敦將士令戮力速攻必可剋也今
請上却歸歷下上悅而從之便令捍馳騎東往此
西歸汶陽丙寅捷音至攻拔博昌盡戮其黨矣據此
則破博昌在五
月人從友寧傳

八月田頽舉兵叛楊行密十國紀年朱全忠聞田頽

頽及杜洪鍾傳錢鏐充四面招討使布制書於境上
王知其詐妄按新舊紀實錄梁太祖紀皆無削奪行
密命洪等為招
討使事今不取

九月楊師厚大破王師範梁太祖實錄九月癸卯楊

北走殺戮一萬人擒師範弟師克翌日東萊郡遣州
兵洎土團等五千人將援青壘我師遂截剪撲無一
二存焉即時徙寨逼其圍閣唐實錄略與此同編遺
錄冬十月丁卯楊師厚繼告捷於臨朐北及青州四

而累殺破賊黨擒斬頗衆至十一月萊州刺史王師
範六千人欲徑入青丘助其守禦師厚伏兵邀之
殺戮將盡下又有丁亥上誕辰聞朱友倫死誕辰乃
十一月二十一日友倫死亦十月中事也下又別有十
一月疑上十一月是十一日字或七日字又曰一日
師範請降疑脫二十字二十一日即戊午也今從梁

實錄

甲寅朱全忠如洛陽遇疾復還大梁梁實錄云壬戌

丁卯朔今唐實錄云十月

從編遺錄

戊午王師範降全忠舊紀及薛居正五代史劉鄩傳

十一月敗萊州刺史王師克一日師範差人捧款檄
至軍前請舉牆歸降按梁太祖實錄薛史梁紀唐實
錄皆云九月

戊午今從之
十月丁丑劉鄩降全忠梁實錄四年正月辛丑劉鄩

以兗州降實錄十一月郭降薛居正五代史梁紀十一月丁酉郭降郭傳曰天復三年十一月師範告降且先差郭領兵入兗州請釋其罪亦以告郭郭即出城聽命新紀十月丁丑劉郭以兗州叛附于朱全忠按青兗相距不遠師範之降亦以告郭豈有自戊午至丁酉五十日師範使者始至兗州邪十月丁丑日

差近今從新紀

辛巳朱友倫卒

編遺錄丁亥趙廷隱自長安馳來告今月十四日朱友倫墜馬而卒十四

日則庚辰也後唐紀年錄薛居正五代史紀昭宗實錄皆云辛巳今從之

十二月劉仁恭擒述律阿鉢

薛居正五代史及莊宗列傳皆云光啓中守光

禽舍利王子其王欽德以重賂贖之按是時仁恭猶未得幽州也今從薛史蕭翰傳及王暉唐餘錄

天祐元年正月柳璨同平章事

舊傳崔胤得罪前一

見制救莫測所以新傳曰崔胤死昭宗密許璨相外

無知者日暮自禁中出傳呼宰相人大驚按胤未死璨已除平章事新舊傳云胤死後誤也

朱全忠殺崔胤

忠畫圖王之策又曰天子還宮全忠

東歸胤以事權在已慮全忠急於篡代乃與鄭元規

州軍人入關應募者數百人及友倫死全忠怒遣其

紀年錄曰及事權既大知朱溫懷篡奪之志慮一朝

禍發與國俱亡因圖自安之計與朱溫外兒相厚私

心漸異與元規密為計畫信招兵數千給為散卒於

不止朱溫察之乃陰令部下驍果數千給為散卒於

京師應募胤每曰教閱弓弩梁卒偽示怯懦或倒弓

背矢有若不能胤莫之識俄而朱友倫打毬墜死溫

愈不悅又聞胤欲挾天子出幸荆襄溫乃抗言胤將

子以諫引兵攻胤詰旦擒之又攻鄭元規於京府擒

按

力以除宦官且宦官既誅全忠兵勢益彊遂有篡奪之心胤復欲以誦詐并圖全忠故全忠覺而殺之若云唐室因胤而亡則可矣舊傳云胤為全忠畫圖王之策實錄云胤滅唐祚恐未必然也胤任唐以為上相滅唐立梁於已何益假令胤實有此志則惟患全忠篡代之不速何故復謀拒之此所謂天下之惡皆歸焉者也紀年錄序朱崔之情近得其實今從之然紀年錄云傳首岐下誤也又全忠之去長安也留步騎萬人何患無兵何必更令汴卒應募若在訓練之際突出擒胤猶須此卒胤既敗官家居一夫可制安用此計邪蓋全忠以胤募兵既多或能圖已故使汴卒應募察其動靜以壞其謀非藉北兵以誅胤也人始不知及誅胤之際皆突出人方知是汴卒耳

二月乙亥車駕至陝 梁實錄丁巳詔以今月二十二日先遣士庶出京朕將翌日命

駕壬戌襄宗發自秦雍甲子暨華州二月丁卯上至河中乙亥天子駐蹕陝郡翌日上來觀于行在編造錄正月丁酉上聞關下人心不遑遂往河中以審邑動靜已酉離梁園行至泥水聞崔胤死是時皆

出離已下潛諫帝不令東遷離陽又密與岐鳳交通及斯瀾也泊上至蒲津帝謂東幸決取二十一日屬車離長安是日丁巳王變東信於亥到甘棠二月乙亥上離河中丁丑到陝郊戊寅朝上欲躬往洛下催促百工壬辰朝辭明日東邁唐太祖紀年錄丁巳下詔與梁實錄同又曰壬戌昭宗發長安遷幸洛陽丁卯車駕次華州乙亥駐蹕陝州丙子朱温自汴州迎觀見已先發自此人使相望于路請駕早行幸洛陽舊紀正月己酉全忠率師屯河中遣牙將寇彥卿奉表請車駕遷都洛陽丁巳車駕發京師癸亥次陝州全忠迎謁于路二月丙寅朔乙亥全忠辭赴洛陽親督工作薛居正五代史梁紀正月辛酉帝發自大梁西赴河中京師聞之為之震懼唐年補錄丁巳帝御延喜樓全忠迎廬表至及還宮至暮全忠已移書宰臣裴樞促百官東行是日下詔與梁實錄同尋以張延範為御營使毀折宮室公河而下仍起豪民從行貧者亦繼焉車駕以其月二十三日己未至華州二月丙寅車駕駐陝郊又曰三月三日戊辰車駕離華下其差舛如此實錄丁巳全忠遣牙將寇彥卿奉表言慮邠岐兵立侵迫請車駕遷都洛陽乃下詔與

梁實錄同二日丙寅朔丁卯次華州時朱全忠屯河中乙亥駐陝州丙子全忠來朝又賜王建綸詔云正月二十日朕登樓二十二日東軍兵士擁脅朕東去新紀正月戊午全忠遷唐都于洛陽二月戊寅次陝州朱全忠來朝按梁實錄唐紀年錄唐年補錄唐實錄所載詔書皆云二十二日遣士庶出京朕翊日命駕而諸書皆曰各不同莫有與此詔相應者編遺汁人所錄比唐紀年宜得其實而正月十一日丁巳全忠請遷都表始至長安車駕當日豈能便發長安去陝猶八程而癸亥已到甘棠首尾七日太似忽遽實錄全用紀年錄正月二十六日始離長安二月二日至華州駐留數日故同以十日始至陝差似相近今從之

三月全忠奏以長安為佑國軍

按河南府先已為佑國軍今京兆府乃與同名者蓋車駕既在河南則無用軍額故移其名以京兆耳天祐二年鄭實猶為西京留守判官然則立軍額京名尚在耳

上遣間使賜王建楊行密李克用等綰詔

續實錄天復四年

三月二十二日丑時襄宗在陝府行營密遣綰詔告晉楚蜀末云三月二十三日四月二十七日賈到西川頒示管內州縣實錄此月綰詔在四月據十國紀年楊行密三月王建四月得詔與實運錄略相應今移置此月

四月全忠殺內園小兒二百餘人

後唐紀年錄云五百人實錄據之今

從舊紀薛史

敕內諸司不以內夫人充使

編遺錄曰戊申鑾輿初到洛都經費甚廣況國

用未豐庶事草創因刪略冗司局今後除留宣徽等九使外餘並停廢仍不差內中夫人充使蓋初誅宦官後內諸司使皆以內夫人領之至此始用外人也而實錄改充使為宣事誤也

昭宣帝天祐二年八月己亥全忠擊趙匡凝

梁太祖實錄薛

居正五代史梁紀皆云七月庚午遣楊師厚率前軍討趙疑於襄州辛未帝南征唐實錄七月全忠奏臣疑擅通好西川淮南又遣弟專領荆南請削奪官爵已遣都將楊師厚討之翌日全忠自帥軍以進編遺錄八月壬辰先抽武寧楊師厚是日到乃議伐襄州帥趙匡凝乙未大發車徒委楊師厚總其軍政已亥上領親從步騎繼大軍之後是夜宿尉氏今從之薛史太祖將圖澤代以匡凝兄弟並據藩鎮乃遣使先諭旨焉疑對使者流涕答以受國恩深豈敢隨時妄有他志使者復命太祖大怒天祐二年秋七月遣楊師厚率師討之辛未全忠南征表匡凝罪狀請削官爵按全忠劫遷昭宗於洛陽匡凝與行密等移檄諸道共討之全忠安肯以禪代問之今不取

盧約陷温州

新紀王月約陷温州十國紀年在此月戊戌今從之

九月全師朗降王建

李昊蜀書高祖紀作全行思後主紀作全行宗林思諤王宗儒襲傳作金行全蓋傳馬差誤不可考正按後蜀後主

實錄云金州招安指揮使全師郁世居金州疑是師朗昆弟族人今從十國紀年

周隱請召劉威

按徐溫謂隱為奸人隱若欲為亂當密召劉威豈肯對其父斥渥短請以

軍府授威隱乃憚直之人耳

十月辛卯朱全忠抵光州

梁太祖實錄十月壬申上御大軍發自襄州由安黃

涉申光暨壽春之翟丘駐焉十國紀年十月朱全忠自襄州帥衆二十萬趨光壽按十月丙戌朔無壬申

梁實錄誤今從編遺錄

十一月庚辰楊行密薨

十國紀年注吳錄唐烈祖實錄及吳史官王振撰楊本紀

皆云天祐二年十一月庚辰行密卒敬翔梁編遺錄云天祐三年二月穎州獲河東謀者言去年十一月

持李克用緝書往淮南十二月至揚州方知楊行密且死與莊宗功臣列傳行密傳所載略同沈頤行密

神道碑殷文主行密墓誌游恭渥墓誌皆云天祐三年丙寅二月十三日丙申卒薛居正五代史行密傳

亦云天祐三年卒行密之亡嗣君幼弱不由朝命承襲或始死未敢發喪赴以明年二月疑沈顏等從而書之墓誌云十一月吳王寢疾付渥後事授淮南使或本紀等誤以此月為行密卒王振沈顏殷文圭游恭皆仕吳而記錄差異固不可考今從舊史而存碑誌年月以廣傳聞

十二月戎昭節度使馮行襲領武定實錄云改為武寧軍新表云改

為武定軍按武寧乃徐州軍額武定乃洋州軍額不應同名續實運錄注云天復七年秋汴軍都頭號為青面改姓朱授全忠印授為洋州刺史洋州自景福元年刺史楊守佐歸順鳳翔後被朱全忠除此年秋蜀第二指揮使王宗紹收獲金州都押衙全貴率眾降賜姓王名宗朗拜金州刺史又編遺錄天祐三年二月云行襲已於均州建節因署韓恭知金州事請朝廷落下防禦使并不建戎昭軍以比諸書參驗似是今者以行襲兼領洋州節制非改戎昭為武定軍也實錄新表皆誤續實運錄云天復七年亦誤也

三年四月鍾傳養子延規實錄初鍾傳養上藍院僧為子曰延圭補江州刺史

鍾卒遂召淮師陷其城

七月朱全忠引兵南還實錄在六月今從編遺錄唐太祖紀年錄編遺錄七月癸未上起兵離魏都按長曆是月壬子朔無癸未編遺錄誤也

壬申全忠至大梁編遺錄云壬辰亦誤

十月王建立行臺續實運錄曰天復六年十月六日行下北勝帖則是此年十月也

十二月錢鏐薦王景仁領寧國節度使薛居正五代史鏐辟為兩

府行軍司馬具以狀聞太祖復命遙領宣州節度使同平章事歐陽脩五代史曰鏐表景仁領宣州節度使今從之

閏月丁會降河東唐太祖紀年錄丁酉丁會開門迎

帥薛居正五代史梁紀在閏月後唐紀在十月

二月今從新舊唐紀薛史梁紀及編遺錄

薛史梁紀及編遺錄

薛史梁紀及編遺錄

薛史梁紀及編遺錄

薛史梁紀及編遺錄

薛史梁紀及編遺錄

薛史梁紀及編遺錄

薛史梁紀及編遺錄

資治通鑑考異卷第二十七

資治通鑑考異卷第二十八

端明殿學士兼翰林侍讀學士中大夫提舉景嵩崇福皇桂國河內郡開國公食邑三千六百石實封千戶司馬光奉勅編集

後梁紀上

太祖開平元年正月張顥徐溫殺楊渥親信十餘人

歐陽史四年正月渥視事陳璠等侍側溫顥擁牙兵入拽璠等下斬之渥不能止由是失政按璠等已死於宣州今從十國紀年

三月甲辰唐帝禪位

實錄薛居正五代史唐餘錄皆云四月唐帝御札敕宰臣張文

蔚等備法駕奉迎梁朝而無日五代通錄云四月丁未丁未四月一日也舊唐書云三月甲辰甲辰三月二十七日也唐年補錄三月二十七日甲子降此御札四月戊辰朱全忠即位尤為差誤按此年三月戊

寅朔四月丁未
朔今從舊唐書

楊凝式諫父涉押傳國寶

陶岳五代史補曰凝式恐

子按周世宗實錄凝式本傳仕梁未嘗有疾唐同光
初知制誥始以心疾罷明宗時及清泰帝末俱以心
恙罷官天福初致仕在洛有風
子之號非梁初佯狂也今不取

四月朱全昱責帝滅唐社稷

王仁裕王堂閑話曰嚴

不擲顧而白梁祖再呼朱三梁祖動容廣王曰你愛
他爾許大官職久遠家族得安否於是大怒擲戲具
於階下抵其盆而碎之喑鳴眦睡數
目不止今從王禹稱五代史闕文

戊辰大赦

梁實錄編遺錄薛史唐餘錄
皆不云大赦今從歐陽史

五月契丹阿保機不受代

蘇逢吉漢高祖實錄曰契
丹本姓大賀氏後分八族

一曰利皆耶二曰乙室活耶三曰實活耶四曰納尾
耶五曰頗沒耶六曰內會雞耶七曰集解耶八曰奚

盟耶管縣四十一縣有令八族之長皆號大人稱制
史常推一人為王建旗鼓以尊之每三年第其名以
相代莊宗列傳曰咸通末其王曰習爾疆土稍大
來朝貢光啓中其王曰欽德乘中原多故北邊無備
遂蠶食諸部達鞞奚室韋之屬咸被驅役漢高祖實
錄唐餘錄皆曰僖昭之際其王邪律河保機怙疆恃
勇距諸族不受代自號天皇王後諸族邀之請用舊
制保機欲以古漢城領本族率漢人守之自為一部諸
族諾之俄設策復併諸族僭稱皇帝土地日廣大順
中後唐武皇遣使與之連和大會於雲州東城延之
帳中約為昆弟莊宗列傳又曰及欽德政衰阿保機
族盛自稱國王天祐二年大寇我雲中太祖遣使連
和因與之面會於雲州東城延入帳中約為兄弟謂
曰唐室為賊臣所篡吾以今冬大舉弟助我精騎二
萬同收汴洛保機詐諾保機既還欽德以國事傳之
賈緯備史云武皇會保機故雲州城結以兄弟之好
時列兵相去五里使人馬上持盃往來以展酬酢之
禮保機喜謂武皇曰我蕃中酋長舊法三年則罷若
他日見公復相禮否武皇曰我受朝命鎮太原亦有

遷移之制但不受代則可何憂罷乎保機由此用其
教不受諸族之代趙志忠虜庭雜紀云太祖諱億菴
名阿保謹父諱幹里太祖生而智八部部落主愛其雄
勇遂退其舊主遙輦氏歸本部立太祖為王又云凡
立王則眾部首長皆集會議其有德行功業者立之
或災害不生群牧孳盛人民安堵則王更不替代苟
不然其諸酋長會眾部別選一名為王故主以蕃法
亦甘心退焉不為眾所害又曰有韓知古韓頴康枚
王奏事王郁皆中國人共勸太祖不受代新唐書載
契丹八部名與漢高祖實錄所載八族名多不同蓋
年祀相遠虜語不常耳其實一也阿保機云我為長
九年則其在國不受代久矣非因武皇之教也今從
漢高祖實錄入唐餘錄前云乾寧中劉仁恭鎮幽州
保機入寇仁恭擒其妻兄述律阿鉢由此十餘年不
能犯塞下乃云大順中與武皇會於雲中按大順在
乾寧前乾寧二年仁恭方為幽州節度大順中未也
又武皇謂曰唐室為賊臣所篡吾以今冬大舉此非
大順中事唐餘錄誤也又編遺錄開平二年五月契
丹王阿保機及前國王欽德貞
方物然則於時七部猶在也

晉王與阿保機連和

唐太祖紀年錄太祖以阿保機

阿保機領其部族三十萬至雲州東城帳中言事
手甚歡約為兄弟旬日而去留男骨都舍利首領沮
京梅為質約冬初大舉渡河反正會昭宗遇盜而止
歐陽史曰梁將篡唐晉王李克用使人聘于契丹阿
保機以兵三十萬會克用於雲州東城握手約為兄
弟期共舉兵擊梁按雲州之會莊宗列傳薛史皆在
天祐四年而紀年錄獨在天祐二年又云約今年冬
同收汴洛會昭宗遇盜而止如此則應在天祐元年
昭宗崩已前不應在二年也且昭宗遇盜則尤宜與
兵討之何故止也按武皇云唐室為賊臣所篡此乃
四年語也其冬武皇寢疾蓋
以此不果出兵耳今從之

甲午敬翔為崇政院使

實錄四月辛未以翔知崇政

改為崇政院始命翔為院使蓋崇政院之名先
已有之至是始併樞密院職事悉歸崇政院耳

六月楚秦彥暉破淮南兵執劉存等

編遺錄天祐四年四月湖南軍

陳邵告捷淮南朗州水陸合勢奔衝其境馬殷出舟
師於劉陽江口大破賊黨生擒僞鄂州節度使劉存
按薛史梁紀馬殷奏破淮寇在六月十國紀年吳史
劉存攻楚在五月敗在六月楚史亦然編遺錄誤也
七月曲裕卒以其子顥為節度使諸書不見顥於裕
丙辰裕卒七月丙申以靜海行營司馬權知留後曲
顥起復為安南都護充節度使既云起復知其子也
九月蜀王即皇帝位莊宗列傳太祖厭代建自帝於
祐五年九月建自帝於成都年號武成薛史唐餘錄天
七月即帝位明年改元宋庠紀年通譜天祐四年秋
稱帝次年改元歐陽史十國紀年天
復七年九月即位明年改元今從之

二年正月晉王命克寧等立存勗

五代史闕文世傳武皇臨薨以三矢

付莊宗曰一矢討劉仁恭汝不先下幽州河南未可
國也一矢擊契丹且日阿保機與吾把臂而盟結為
尤弟誓復唐家社稷今背約附梁汝必伐之一矢滅
朱温汝能成善志死無恨矣莊宗藏三矢于武皇廟

庭及討劉仁恭命幕吏以少牢告廟請一矢盛以錦
囊使親將負之以為前驅凱旋之日隨俘馘納矢上
太廟伐契丹滅朱氏亦如之按薛史契丹傳莊宗初
嗣世亦遣使告哀賂以金繒求騎軍以救潞州契丹
答其使曰我與先王為兄弟兒即吾兒也寧有父不
助子邪許出師會潞平而止廣本劉守光為守文所
攻屢求救於晉晉王遣將部兵五千救之然則於時
莊宗未與契丹及守光為仇也此蓋後人因莊宗成
功撰此事以
誇其英武耳

五月牛存節救澤州

歐陽史云存節從康懷英攻潞

城存節以餘兵歸行至天井關聞晉兵攻澤州而救
之梁列傳澤州將陷河南尹張宗奭召龍虎統軍牛
存節謀之存節帥本軍及右神武羽林等軍往應接
上黨回帥至天井關即引眾前救澤州薛史亦同按
存節若自夾城遁歸則先過澤州後至天井關
豈得已過而返救之也今從梁列傳及薛史

周德威退保高平

莊宗列傳朱温傳云李存璋進攻澤州刺史王班棄城而去澤路比日

平今不取

張顥徐溫共謀弒弘農王

吳錄顥使紀祥陳暉黎瑋孫殷等執渥於寢室弒之

不言徐溫蓋徐鉉為溫諱耳薛史因之而江南別錄有獨用左衙兵事歐陽史云溫顥共遣盜殺渥約分其地以臣於梁按溫與顥分掌牙兵溫若不同謀顥必不敢獨弒渥今從江南別錄十國紀年張顥欲稱淮南留後送款於梁以淮南易蔡州節制徐溫曰揚州距汴州往返僅三千里軍府踰月無主必亂不若有所立然後圖之按顥稱留後則有主矣今不取

鍾泰章斬顥

吳錄作鍾章十國紀年作鍾泰章今從之

秦彥暉入朗州雷彥恭奔廣陵

梁太祖實錄云丁酉朗州軍前奏捷彥恭

沒溺于江今從紀年

十月丁巳帝還大梁

編遺錄在乙卯今從實錄薛史

三年四月保大節度使李彥博

編遺錄五代史作李容今從劉恕廣木

六月乙未朔劉知俊以同州叛

實錄六月庚戌知俊據本部反削奪官爵

與師討伐編遺錄六月乙未初奏本道軍民遮留尋聞擒使臣及將送鳳翔蓋編遺據奏到之日實錄據削奪之日也

七月商州將吏斬李稠

薛史稠棄郡西奔本州將吏以都牙校李玫權知州事歐

陽史商州軍亂逐其刺史李稠棄郡逃山谷又曰商州將吏以稠驅虜士庶西逃追斬無遺暫今都押衙李玫注州事今從之

王班鎮襄州

薛史作王班今從實錄

劉玘為亂兵所立逃來

姚顥明宗實錄薛史玘傳皆云翌日受賀衙庭享士伏甲

幕下中筵盡斬其亂將以聞以功為復州刺史按梁祖實錄八月丁酉賜玘王延順物以其違逆將之難

來歸編遺錄斬李洪等敕云始扶劉玘既奔竄以歸
明若使玘身歸朝及梁亡入唐妄云斬亂
蓋玘脫身歸朝及梁亡入唐妄云斬亂
將自誇大史官不能考察從而書之耳

八月楊師厚救晉州破周德威實錄云殺戮生擒賊

棄寨而遁莊宗實錄云汴軍至蒙沅周德威逆戰敗

之斬首二百級師厚退絳州是役也小將蕭萬通戰

沒師厚進營平陽德威收軍而退二軍各言勝捷然

既殺蕭萬通師厚向肯退保絳州既敗而退豈得復

進營平陽德威既戰勝安肯便收軍

蓋晉軍實敗走莊宗實錄妄言耳

十一月羅紹威乞骸骨以其子周翰為天雄節度副

使梁功臣列傳朝廷自開創有大事皆降使咨訪紹

得五六太祖歎曰竭忠力一人而已又曰子三人長

延規司農卿尚安陽公主又尚金華公主早卒次周

翰起復雲麾將軍充天雄節度留後尋檢校司徒正

授魏博節度使亦早卒次曰周敬薛史亦同實錄已

亥以司門郎中羅廷規充魏博節度副使知府事

改名周翰時鄴王紹威病日甚慮以後事故奏請焉

莊宗列傳紹威卒溫以其子周翰嗣政莊宗實錄紹

威厚率重斂領府藏以奉溫小有違忤溫即遣人詬

辱紹威方懷愧耻悔自弱之謀乃潛收兵市馬陰有

覆溫之志而賂溫益厚溫惟其曲事慮蓄奸謀而莫

之察乃賜紹威妓妾數人皆承嬖愛未半歲溫却召

還以此得其陰事內相予楯薛史又云開平四年夏

詔金華公主出家為尼居於宋州玄靜寺蓋太祖推

恩於羅氏今終其婦節也唐餘錄歐陽史皆同惟唐

莊宗實錄獨異按均帝時趙巖等言羅紹威前恭後

倨太祖每深合怒似與此言合然梁祖若聞紹威有

陰謀必不使周翰更居魏疑後唐史以紹威與梁最

親疾之而載此傳聞之語今從衆書廷規更名周翰

亦恐實錄之誤

四年三月夏州殺李彝昌推族父仁福為帥薛史仁

項托跋氏唐末托跋思恭以破黃巢功賜姓故仁福

之族亦姓李陽史云不知其於思諫為親疎也按

仁福諸子皆連繫字則於彞昌必父行也

五月劉守光兼義昌節度使實錄是歲五月以義昌

度使八月又云以守光兼義昌節度使不言置繼威於何處或者復為留後不然守光兼幽滄節度使繼威但為滄州節度使皆不可知今兩存之

十二月楚王殷遣呂師周討辰淑蠻湖湘故事呂師

武崗其年十月十一日辰州宋鄴淑州周斬潘金晟於

龐巨昭劉昌魯降于楚容等州防禦使聞馬氏令公

以征南步軍指揮使李瓊知桂州軍事領兵士收服嶺外昭梧象柳豆蒙賀桂等州巨曠聞此雄勢謂諸首領曰李瓊有破竹之勢若長驅兵馬此來侵吞吾境其將奈何時容南指揮使莫彥詔對曰李瓊兵馬其勢已雄必然輕敵今欲燒毀城內軍儲旦各入山峒拋州城與李瓊候纜入州却依前出諸山峒兵七

復攻之堅守旬月之間城內必無軍糧外無救應方

可制造攻具再攻擊之必取勝也龐巨曠曰吾每至

中宵獨占氣象馬氏今當五十餘年與霸湖外苟五

十年對壘安知孰非是以憂疑不暇遂至深夜斬莫

彥昭於私第明日以其故密走事宜於湖南又曰天

復未甲子十有二月容南龐巨曠深慮廣南劉巖不

道加害於已遂差小吏間路密馳書款歸於馬氏是

時湖南遣澧州刺史姚彥章領馬步軍八千徑往容

南巨曠遂帥萬餘眾歸于馬氏又曰高州防禦使劉

昌魯以廣南先主劉巖欲併吞嶺外數召昌魯欲藉

乾化元年正月丙戌朔日食

李昊屬書丁亥朔日食今從實錄等諸書

五月以劉巖為清海節度使

十國紀年甲辰太祖授

巖按薛史僭偽傳云前偽漢劉陟胡賓王劉氏興亡錄高祖巖皇考葬段氏得石版有篆文曰隱台巖因

名其二子是先名巖後名陟也吳越備史乾化四年
廣帥彭城巖遣陳用拙來使吳錄天祐十四年南海
王劉巖自立為漢唐烈祖實錄天祐十五年五月以清海節度
位改名巖梁太祖實錄乾化元年四月以韋戩為潭廣和叶
副使劉陟為節度使二年四月以韋戩為潭廣和叶
使云廣守淪謝其母弟巖為軍情所戴七月友珪加
劉巖檢校太傅薛史梁末帝紀貞明五年九月削奪
廣州節度使劉巖官爵吳越備史載制詞亦云彭城
巖蓋嗣節度使後復名巖也惟莊宗實錄同光三年
二月廣南劉陟遣何詞來使莊宗列傳自嗣立至建
號皆云劉陟眾說不同未知孰是
今以其首尾名巖故但稱劉巖云

六月劉守光欲稱帝囚王瞳史彥群等莊宗列傳劉守光傳云朱

溫命偽閣門使王瞳供奉官史彥章等使燕冊守光
為河北道採訪使六月汴使至守光令所司定尚父
採訪使儀注取二十四日受冊朱溫傳亦云史彥章
莊宗實錄作史彥璋編遺錄薛史皆作史彥群今從
之又莊宗實錄二月己丑州遣押衙劉光業至言
劉守光凶淫縱毒欲自尊大請檢其惡以咎之推為

尚父乙未上至晉陽官召張承業諸將等議討燕之
謀諸將亦云宜稔其禍上令押衙戴漢超持墨制又
六鎮書如幽州其辭曰天祐八年三月二十七日天
德軍節度使宋瑤振武節度使周德威昭義節度使
李嗣昭易定節度使王處直鎮州節度使王鎔河東
節度使尚書令晉王謹奉冊進盧龍橫海等軍節度
檢校太師兼中書令燕王為尚書令尚父五月六鎮
使至汴使亦集六月守光今有司定尚父採訪使儀
則梁太祖實錄都不言守光事惟編遺錄云三月壬
辰差閣門使王瞳受旨史彥羣齊國禮賜幽州劉守
光甲午守光連上表章率以鎮定既與河東結懽兼
同差使請當道却行天祐年號事守光尋捉王瞳史
彥羣上下一行並囚禁數日後放出按莊宗實錄及
南唐列祖實錄皆云三月辛亥晉王遣戴漢超推守
光為尚父辛亥三月二十七日也壬辰乃三月初八
日王瞳等安得已在幽州甲午乃三月十日守光安
得上表云六鎮推臣為尚父
編遺錄月日多差誤今不取

八月守光以史彥群為御史大夫編遺錄云御史臺副使今從莊宗實錄

十一月高萬興奏收鹽州

實錄開平三年六月丁未靈武韓遜奏收復鹽州擒

偽刺史李繼直已下六十二人至此年降高行存下二云鹽州與吐蕃党項犬牙相接為二境咽喉之地又烏池鹽醴之利戎羌意未嘗息唐建中初為吐蕃所陷既其墉而去由是銀夏寧延泊于靈武歲以河南河東山南淮南青徐江浙等道兵士不啻四萬分護其地謂之防秋貞元九年朝政稍暇乃命副元帥渾瑊城惣兵三萬復取其地建百雉焉自是虜塵乃息邊患遂止唐代革命又復失之今纔動偏師遽收襟要國之右臂瘡痍其息哉李茂貞養子多連繼字開平三年所收似屬鳳翔今又收復云唐革命失之前後必一誤或者開平既得又失之也

二年二月帝至白馬撲殺孫騰等

梁祖實錄云賜自盡今從莊宗實錄

三月棗強卒詐降擊李周彝

莊宗實錄頃之周彝畫寢左右未至其人抽槍

擊周彝首踏於地求兵仗不獲周彝大呼左右救獲免卒睨周彝曰吾比欲傳刃於朱温之腹非圖爾

也誤矣編遺錄云時有一百姓來投軍中李周彝收於部伍間謂周彝曰請賜一劍願先登以收其牆未

許間忽然抽茶檐子揮擊周彝頭上中檐幾仆于地左右擒之元是棗強邑中遣來令詐降本意欲窺筭

招討使楊師厚斯人不能辨乃誤中周彝按此卒從周彝請劍周彝不許而今負檐豈不知周彝非温也

又帝王與將帥居處侍衛不同豈容不識而誤中之若本欲殺楊師厚則似近之今既可疑皆不取

五月單廷珪與周德威遇於龍頭岡

莊宗實錄作牟頭岡今從莊宗

列傳莊宗實錄四月己卯朔周德威擒單廷珪進軍大城莊薛史及莊宗列傳周德威傳云五月七日擒廷珪十二日次大城莊今從之

六月張厚殺韓建

莊宗實錄九月建遇害今從薛史

七月楊師厚殺潘晏據魏博

梁功臣列傳楊師厚傳云太祖初弃天下郡府

乘間為亂甚衆魏之衙內都指揮使潘晏與大將臧延範趙訓將謀反變有密告者師厚布兵擒捕斬之

七月除魏博節度使薛史師厚傳略同
今從莊宗列傳朱友珪傳及莊宗實錄

八月龍驤軍潰莊宗列傳友珪傳云重霸據懷州為亂壯健者團結於鞏村將為朱溫雪

恥明宗實錄杜晏球傳云龍驤軍作亂欲入京城已至河陽今按梁祖實錄戊子鄭州奏稱懷州屯駐龍驤軍潰散十一日夜至州南十五里鞏村安下及五鼓分隊逃逸安得據懷州及至河陽事也

十月晉王遇康懷貞於解縣莊宗同光四年實錄莊宗列傳薛史唐餘錄朱

友謙傳皆云與汴軍過於平陽大破之今從莊宗天祐九年實錄

三年正月甲子友珪改元鳳歷莊宗列傳云七日實錄云庚戌友珪祀圓

丘改元今從薛史

二月均王激怒龍驤軍莊宗列傳朱友真傳及薛史歐陽史末帝紀云左右龍驤

都戌汴友真偽作友珪詔追還洛下莊宗實錄云友珪疑而召之按梁太祖實錄云丙戌東京言龍驤軍

準詔追赴西京軍情不肯進發實友珪徵之非友真偽作詔但激怒言坑之耳

三月帝更名鐔久之又名瑱薛史云貞明中更名瑱諸書皆無年月今因名

鐔終言之

戴思遠為保義節度使薛史思遠傳云貞明中為邢州留後屬張萬進殺劉繼威

命思遠鎮之按萬進殺繼威在前今從本紀

高行珪使弟行周為質於晉軍莊宗實錄行周作行溫張昭周太祖實錄

云燕城危蹙甲士亡散劉守光召元行欽行欽部下諸將以守光必敗赴召無益乃請行欽為燕帥稱留後行欽無如之何乃謂諸將曰我為帥亦須歸幽州眾然之行欽以行珪在武州慮為後患乃令人於懷

戍掠得其子繫之自隨至武州行欽謂行珪曰將士立我為留後共汝父子同行先定軍府然後降太原若不從必殺汝子行珪曰大王委爾親兵遂圖叛逆吾死不能從也其子泣告行珪行珪謂曰元公謀逆

何以徇從與爾訣矣行珪城守月餘城中食盡士有
飢色行珪乃召集居人謂之曰非不為父老惜家屬
不幸軍士乏食可斬予首出降即坐見寧帖行珪為
治有恩眾泣曰願出私糧濟軍以死共守乃夜縋其
弟行周為質於晉軍乞兵救援周德威命李嗣本李
嗣源安金全救武州比至行欽解圍矣嗣源與行珪
追躡至廣邊軍行欽帥騎拒戰行珪呼謂行欽曰與
公俱事劉家我為劉家守城爾則僭稱留後誰之過
也今日之事何勞士眾與君抗衡以決勝負行欽驍
猛騎射絕眾報曰可行周馬足微蹶將踏嗣源躍馬
救之搥擊行欽幾墜行欽正身引弓射嗣源中髀貫
鞍嗣源拔矢凡八戰控弦七發矢中行欽猶沐血酣
戰不解是夜行欽窮賊固廣邊軍晉兵圍之嗣源遣
人告之曰彼此戰將不假言諭事勢可量亟來相見
必保功名翌日行欽面縛出降李嗣源酌酒飲之撫其
背曰吾子壯士也養為殿子臨敵擒生必有所獲名
聞事申莊宗實錄薛史紀及元行欽傳明宗實錄皆
云行欽聞行珪降晉帥兵攻之惟周太祖實錄高行
周傳云行欽稱留後行珪城守不從然恐行周卒時
去燕亡已久行周名位尊顯門生故吏虛羨其兄弟

故與諸說特異人從衆書

王從珂為李嗣源子

張昭於國初修唐廢帝實錄云廢帝諱從珂明宗皇帝之元子

也母曰宣憲皇后魏氏鎮州平山人中和末明宗徇
地山東留戍平山得魏后帝以光啓元年正月二十
三日生於外舍屬趙人負盟用兵不息音問阻絕帝
甫十歲方得歸宗時明宗為裨將性闊達不能治生
曹后亦疏於畫略生計所資惟宣憲而已曹后未有
息亂幹家宣室帝與部曲王建立皇甫立代北往來
供饋曹后憐之不異所生薛史末帝諱從珂本姓王
氏鎮州人也母宣憲皇后魏氏以光啓元年生帝於
平山景福中明宗為武皇騎將略地至平山遇魏氏
虜之帝時年十餘歲明宗養為己子劉恕取廢帝錄
以為明宗即位後不立從珂而欲立從榮從榮死傳
位從厚故人皆謂從珂為養子按張昭仕明宗為史
官異代修廢帝錄無所諱避而不言養子事似可信
然李克用光啓元年以前未嘗徇地山東又從珂若
果是明宗子明宗必不捨之而立
從榮從珂亦當不服今從薛史

七月蜀太子元膺殺唐道襲九國志建將七夕出游

及諸王宴飲邸第中且議七夕從行之禮而集王宗翰等不至又曰詰朝元膺入白建曰潘峭毛文錫離間兄弟將圖不軌又曰及聞唐襲徵兵乃遣伶官安悉香諭軍使全殊率天武甲士以自衛又曰明日徐瑤常謙與懷勝軍使嚴璘等協謀以所部兵挾元膺以逐唐襲元膺介馬率卒過其兄宗賀之門召與同進宗賀曰兵起無名不敢奉命又曰建急召宗傑宗賀及諸軍使令以兵討寇乃逐唐襲至城西斬之盡殺屯營兵又自大安門登陴以入攻瑤謙等歐陽史曰元膺與伶人安悉香軍將喻全殊率天武兵自衛召大將徐瑤常謙率兵出拒襲與襲戰神武門襲中流矢墜馬死十國紀年丁未元膺令軍使喻全殊帥天武兵自衛戊申徐瑤常謙及左大昌軍使王承燧等各帥所部兵奉元膺攻唐道襲道襲自私第被甲乘馬過王宗賀門邀之宗賀曰兵起無名且不奉詔公宜緩行元膺遣天武將唐據帥親兵逐道襲至城西斬之據九國志云徐瑤等挾元膺以逐唐襲似襲在宮中欲逐出之也歐陽史云元膺召瑤等率兵出拒襲攻東宮而元膺拒之紀年云瑤等奉元膺攻道襲也按道襲止以挾君自重既勸蜀主發兵自衛豈肯更出在外第必止於禁中也蓋瑤等引兵攻宮禁以求道襲道襲以屯營兵出拒戰兵敗走至城西為唐據所殺耳九國志又云元膺介馬率卒過其兄宗賀之門召與同進是元膺邀宗賀也紀年云道襲自私第被甲乘馬過宗賀門邀之是道襲邀宗賀也按道襲私第安得有兵觀宗賀所答之辭似語太子非語道襲也若遇道襲宜勸之速入宿衛豈得云公宜緩行也潘炕言太子非有它志陛下宜面諭大臣以安社稷蓋當時蜀主聞亂既信道襲之言又不忍討太子無決然號令故炕言太子無它志當召大臣討徐瑤等為亂者耳九國志云今宗傑等出討寇乃逐唐襲至城西斬之是官軍斬襲也若然何故明日遽加襲贈謚乎此必誤也

資治通鑑考異卷第二十八

拒襲攻東宮而元膺拒之紀年云瑤等奉元膺攻道襲也按道襲止以挾君自重既勸蜀主發兵自衛豈肯更出在外第必止於禁中也蓋瑤等引兵攻宮禁以求道襲道襲以屯營兵出拒戰兵敗走至城西為唐據所殺耳九國志又云元膺介馬率卒過其兄宗賀之門召與同進是元膺邀宗賀也紀年云道襲自私第被甲乘馬過宗賀門邀之是道襲邀宗賀也按道襲私第安得有兵觀宗賀所答之辭似語太子非語道襲也若遇道襲宜勸之速入宿衛豈得云公宜緩行也潘炕言太子非有它志陛下宜面諭大臣以安社稷蓋當時蜀主聞亂既信道襲之言又不忍討太子無決然號令故炕言太子無它志當召大臣討徐瑤等為亂者耳九國志云今宗傑等出討寇乃逐唐襲至城西斬之是官軍斬襲也若然何故明日遽加襲贈謚乎此必誤也

資治通鑑考異卷第二十九

後梁紀

貞明元年二月王殷自焚莊宗列傳宋友貞傳云乾

自燔死五代通錄薛史紀及王殷傳皆云貞明元年春今從之

三月趙巖等請分魏博六州為兩鎮莊宗列傳宰相敬翔租庸使趙

巖判官邵贊等為友貞畫策分魏博六州為兩鎮薛史無敬翔名今從之

已丑魏軍亂莊宗列傳二十七日劉鄩屯南樂遣龍驤都將王彥章以五百騎入魏州是夜

三鼓魏軍亂是月辛酉朔薛史紀云已丑魏博軍作亂蓋莊宗列傳九字誤為七字耳

四月李保衡殺李彥魯蜀書劉知俊傳保衡作彥康今從薛史

五月牛存節屯楊劉牛存節傳楊劉作陽留或陽劉今從唐裴度傳及薛史諸人傳

六月晉王以李存進為天雄都巡按使莊宗實錄云

進傳云都部署莊宗列傳及薛史存

七月晉王以李巖為澶州刺史莊宗實錄作季

周德威擒斥侯者斷腕縱之使言已據臨清薛史德

鄆東還急趨南宮知鄆軍在宗城遣十餘騎迫其營

擒斥侯者數十人皆傳刃於背繫而遣之既至謂鄆

曰周侍中已據宗城矣鄆軍大駭按傳刃於背其人

豈能復活而言今從莊宗實錄及薛史莊宗紀又鄆

見在宗城而云周侍中據宗城蓋臨清字誤耳

高行周言代州養壯士亦為大王周太祖實錄晉王

密令人啗之利祿

行周辭曰揔管用人亦為國家事揔管猶事王也予

家比仲脫難再生承揔管之厚恩安忍背之按明宗

實錄此年猶為代州刺史天祐十八年始

為副總管此言總管蓋周太祖實錄之誤

十一月乙丑改元吳越備史云正月壬辰朔改

庚辰劉知俊奔蜀軍十國紀年知俊奔秦州庚戌來

降按上有甲戌下有癸未必庚

二年八月張筠奔相州走晉以李嗣源為刺史劉恕

云筠奔東都授左衛上將軍莊宗實錄命李存審入

城招撫除昭德軍額仍舊隸魏州徙洛州刺史袁建

豐為相州刺史按上四月筠已遣人納款于晉此復

云走者蓋始者文降今為晉兵所迫故走耳筠既降

晉今還猶得將軍者蓋潛通款於晉梁朝不知耳明

宗實錄云八月張筠走移帝為相州刺史九月為安

國軍節度而莊宗實錄云袁建豐為相州刺史按明

宗實錄建豐傳云戰胡柳陂時建豐猶為相州乃是

天祐十五年十二月蓋明宗初為相州移邢

州後方除建豐莊宗錄誤書在張筠走下耳

李存審為安國節度使王溥五代會要薛史地理志

梁史彙字記皆云梁建保義

通鑑考異卷三十九
軍唐同光元年改為安國軍而莊宗明宗實錄列傳
薛史存審傳皆云此年授安國節度使恐是才屬晉
即改軍額會要等
書誤云同光元年

契丹陷晉蔚州虜振武節度使李嗣本

開元中振武
軍在朔州西

北三百五十里單于都護府城內隸朔方節度使乾
元元年置振武節度使領鎮北大都護麟勝二州後
唐振武節度亦帶安北都護麟勝等州觀察等使石
晉以後皆帶朔州刺史據此乃治尉州不知遷徙年
月

九月貝人殺張源德嬰城固守

莊宗實錄賊將張源
德固守貝州既聞河

北皆平而有翻然之志詢謀於眾羣賊皆河南人懼
其歸罪不從因殺源德噉人為糧固守其城王歸歷
年攻圍賊既食竭呼我大將曰今欲請罪懼晉王不
我赦我將將甲持兵而見已即解之如何報曰無便
於此者賊眾三千餘甲出降我將甘言喻之俱釋兵
解甲既而四面陳兵皆殺之歐陽史死事傳曰晉王

入魏河北六鎮數十州之地皆歸晉獨貝一州圍之
踰年不可下城中食且盡貝人勸源德出降源德不
從遂見殺按源德若不降而死其眾當即降於晉
豈得猶拒守與晉邀約而後出哉明是眾懼死不降
耳今從莊
宗實錄

十月鄭珏同平章事

薛史梁末帝紀無珏初拜相年
月此年十月丁酉以中書侍郎

平章事鄭珏兼刑部尚書平章事至貞明四年四月
已酉又云以中書侍郎平章事鄭珏兼刑部尚書疑
貞明二年拜相四年轉刑部尚書也本傳云累遷禮
部侍郎貞明中拜平章事唐餘錄均帝紀貞明二年
十月丁酉禮部侍郎鄭珏為中書侍郎平章事今從
之又高若拙後史補云珏應一十九舉方捷姓名為
第十九人第行亦同自登第凡十九年為宰相今按
珏光化三年及第自光化三年至此年纔十七年矣
又不
可合

十二月慶州叛賀瓌討之

薛史賀瓌傳貞明二年慶
州叛為李繼陟所據帝命

左龍虎統軍賀瓌為西面行營馬步軍都指揮使兼諸軍都虞候與張筠破涇鳳之衆三萬下寧行二州此非小事而未帝紀李茂貞傳皆無惟瓌傳有之今以為據

契丹阿保機稱帝改元神用紀年通譜云舊史不記保機建元事今契丹中

有曆曰通紀百二十年臣景祐三年冬北使幽薊得其曆因閱年次以乙亥為首次年始著神策之元其

後復有天贊按五代契丹傳自耶律德光乃記天顯之名疑當時未得其傳不然虜人耶律德光無號追為

之耳保機虜中又號天皇王虜庭雜記曰太祖一舉併吞奚國仍立奚人依舊為奚王命契丹監督兵甲

又滅勃海虜其王大誣謬立長子為勃海東丹王號人皇王自號天皇王始立年號曰天贊又曰神冊國

號大遼於所居大部落置樓謂之西樓今謂之上京又於其南木葉山置樓謂之南樓又於其東千里置

樓謂之東樓又於其北三百里置樓謂之北樓太祖四季常遊獵於四樓之間又曰阿保機變家為國之

後始以王族號為橫帳姓丹里沒里以漢語譯之謂之耶律氏賜后族姓曰蕭氏王族惟與后族通昏其

諸部若不奉北主之命不得與二部落通昏歐陽史曰阿保機用其妻述律氏使人告諸部大人曰我有

鹽池諸部所食然諸部知食鹽之利而不知鹽有主可乎當來擒我諸部以為然共以酒會鹽池阿保

機伏兵其旁酒酣伏發盡殺諸部大人遂立不復代保機稱皇帝前史不見年月莊宗列傳契丹傳在

皆云阿保機設策併諸族遂稱帝在乾寧中劉仁恭鎮幽州前薛史在莊宗天祐末按紀年通譜阿保機

神策元年歲在丙子乃莊宗天祐十三年梁貞明二年似不在天祐末及莊宗即位後編遺錄開平二年

五月太祖賜阿保機記事猶呼之為卿及言臣事我朝望國家降使用立必未稱帝安得在劉仁恭鎮幽

州前唐餘錄全取漢高祖實錄契丹事作傳最為差錯不知其稱帝實在何年

今因其改年號置於此

韓延徽入契丹漢高祖實錄延徽傳云天祐中連帥

徽將命入虜劉恕以為劉守光據幽州後未嘗攻定

州惟唐光化三年汴將張存敬攻莫攻定州劉仁

州惟唐光化三年汴將張存敬攻莫攻定州劉仁

恭遣守光救定州為在敬所敗思是此時仁恭方為
幽帥非守光也按劉仁恭父子彊盛之時常陵暴契
丹豈肯遣使與之相結乾化元年守光攻易定王處
直求救於晉故晉王遣周德威伐之其遣延徽結契
丹蓋在此時然事無顯據故但云衰困附於此

四年六月蜀主殂北夢瑣言云余聞公弼親吏曹處

妃張裕陰謀使尚食進雞燒餅因實毒建疾困大臣
魏弘夫等請誅文展建曰太子好酒色若不克負荷
幸無殺之徐氏兄弟勿與兵權言訖長吁而逝劉恕
按舊史展文展後二十七日蜀主始殂疑曹處琪之
妄孫光憲從而記之

吳朱瑾殺徐知誥即日引兵濟江吳錄九國志

知誥死知誥過江皆無日江南錄曰先主聞亂即日
以州兵度江至廣陵會瑾自殺因撫定其眾十國紀
年吳史六月乙卯瑾殺知誥踰城自殺戊午知誥入
揚州代知誥執政已未誅瑾黨與廣本戊午知誥親

吏馬仁裕聞知誥死自蒜山渡白知誥知誥即日
兵入揚州撫定吏民按楊潤相去至近知誥豈得四
日然後聞之
今從江南錄

七月戊戌吳以徐知誥為淮南節度行軍副使內外

馬步都軍副使通判府事按十國紀年六月乙卯知

之政事必有所出蓋知誥至廣陵
即代知誥執吳政至此方除官耳

八月張萬進叛莊宗實錄天祐十五年八月已酉張

月癸未削奪張守進官爵命劉鄩為制置使十月下
兖州族守進萬進傳云貞明四年七月叛五年冬拔

其城劉鄩傳云五年萬進反冬拔其城莊宗實錄萬
進傳云劉鄩攻圍歷年屠其城莊宗列傳云天祐十

五年八月萬進歸于我均王無實錄紀傳多
不同難以為據今以莊宗實錄列傳為定

五年七月高麗僧躬又稱王薛史唐餘錄歐陽史皆
云唐末其國自立王前

王姓高氏後王王
建此據十國紀年

十二月晉王乘勝拔濮陽莊宗實錄天祐十五年賀

二月辛酉上次于臨濮賊亦捨管踵我癸亥次于胡

柳明旦接戰王彥章敗走濮陽甲子進攻濮陽一鼓

而拔按唐地理志濮州亦謂之濮陽郡治鄆城有濮

陽臨濮二縣據莊宗實錄則行臺里在臨濮東胡柳

在濮陽東彥章所保莊宗所拔者皆濮陽縣非濮州

也而莊宗列傳及薛史閣寶傳皆云彥章騎軍已入

濮州山下惟列步兵向晚皆有歸心是以濮陽即為

濮州也李嗣昭傳嗣昭云賊無營壘去臨濮地遠日

已晡晚皆有歸心但以精騎撓之無令夕食晡後追

擊破之必矣我若收軍拔寨賊入臨濮俟彼整齊復

來則勝負未決是又以濮陽即為臨濮也按薛史梁

紀貞明五年四月制書放濮州稅課是濮州猶屬梁

也莊宗實錄天祐十六年十二月攻下濮陽下教告

論曹濮百姓勸令歸附是濮州未屬晉也又賀瓌屯

土山西晉軍在其東彥章已西入濮陽瓌豈得更東

歸臨濮疑寶傳濮州嗣昭傳臨濮皆當為濮陽史氏

文飾之誤也又莊宗實錄去年十二月晉已拔濮陽

至此又云攻下濮陽按薛史梁紀去年十二月晉

攻濮陽陷之今年十二月又云晉人陷濮陽唐紀去

冬拔濮陽今年四月追襲賀瓌至濮陽十二月無攻

下濮陽事賀瓌事貞明四年領大軍營於行臺村十

二月戰敗四月退軍行臺尋卒若非實錄及梁紀重

復則是去冬唐雖得濮陽并

而不守今年冬復攻拔之也

六年四月李琪罷為太子少保薛史止有琪作相月

之言

朱友謙取同州晉王以朱令德為節度使莊宗列傳

王正言送節旄賜之莊宗實錄列傳薛史友謙傳皆

云友謙以令德為帥請節鉞不許薛史末帝紀貞明

六年云陷同州以令德為留後表求節旄不允而貞

明四年六月甲辰以歙州刺史朱令德為忠武留後

恐是四年

已陷同州

通鑑考異卷之七

六

三

五月徐溫言使楊氏無男有女亦當立

吳錄九國志有女當立之

語在誅張顥時今從薛史十國紀年王疾病大丞相溫來朝議立嗣君門下侍郎嚴可求言王諸子皆不才引蜀先主顧命諸葛亮事溫以告知誥誥曰可求多知言未必誠不過順大人意爾溫曰吾若自取非止今日張顥之亂嗣王幼弱政在吾手取之易於反掌然思太祖大漸欲傳位劉威吾獨力爭太祖垂泣以後事託我安可忘也乃與內樞密使王令謀定策稱隆演命迎丹陽公溥監國已丑隆演卒六月戊申溥即王位恐可求亦不應有此言今從薛史

龍德元年正月張承業諫晉王稱帝遂得疾不復起

莊宗實錄上初獲王璽諸將勸上復唐正朔承業自太原急趨謁上曰殿下父子血戰三十餘年蓋緣報國復仇為唐宗社今元凶未殄軍賦不克河朔數州弊於供億遽先大號費養兵之事力困凋弊之生靈臣以此為一未可也殿下既化家為國新創廟朝典禮制度須取太常準的方今禮院未見其人儻失舊

章為人輕笑二未可也因泣下沾衿上曰余非所願奈諸將意何承業自是多病日加危篤卒官莊宗列傳上受諸道勸進將篡帝位承業以為晉王三代有功於國先王怒賊臣篡逆臣復舊邦賊既未平不宜輕受推戴方疾作肩輿之艱官見上力諫大指皆如實錄薛史唐餘錄皆與莊宗列傳同五代史闕文承業謂莊宗曰吾王世奉唐家最為忠孝自貞觀以來王室有難未嘗不從所以老奴三十餘年為吾王收拾財賦召補軍馬者誓減逆賊朱溫復本朝宗社耳今河朔甫定朱氏尚存吾王遠即大位可乎莊宗曰奈諸將意何承業知不可諫止乃慟哭曰諸侯血戰本為李家今吾王自取之悞老奴矣即歸太原不食而死秦再思洛中紀異承業諫帝曰大王何不待誅克梁孽更平吳蜀俾天下一家且先求唐氏子孫立之復更以天下讓有功者何人輒敢當之讓一月即一月牢讓一年即一年牢設使高祖再生太宗復出又胡為哉今大王一旦自立頓失從前伐義征伐之旨人情怠矣老夫是闕官不愛大王官職富貴直以受先王付囑之重欲為先王立萬年之基爾莊宗不能從乃謝病歸太原而卒歐陽史乘采闕文紀異之

意按實錄等書承業止惜費多及儀物不備太似淺陋如闕文所言承業事莊宗父子數十年唐室近親已盡豈不知其欲自取之意乎褒美承業亦恐太過又按傳真以天祐十八年正月獻寶承業以十九年十一月卒云即歸太原不食而死亦非實也如紀異之語承業為莊宗忠謀近得其實今取之

五月劉鄩飲酖而卒莊宗實錄云憂患發病卒薛史云張宗奭承朝廷密旨逼令飲

酖而卒今從之

二年四月晉王以李繼韜為安義留後按路州本號昭義軍今以

繼韜為安義留後蓋晉王避其父諱改之耳及繼韜降梁梁亦以為匡義節度使今人猶謂澤州為安義

後唐紀上

莊宗同光元年二月以盧程為相薛史唐紀作盧澄今從實錄莊宗列

傳

吳越王鏐始建國置百官十國紀年鏐功臣諸子領節制皆署而後請命居室

服御窮極侈靡末年荒恣尤甚錢氏據兩浙逾八十年外厚貢獻內事奢僭地狹民衆賦歛苛暴雞魚卵

菜纖悉收取斗升之逋罪至鞭背每笞一人則諸按吏各持其簿列于庭先唱一簿以所負多少為笞已

次吏復唱而笞之盡諸簿乃止少者猶笞數十多者至五百餘訖于國除人苦其虐越備史稱鏐節儉

衣食用紬布常膳惟菜漆器漆器不許嘗歲除夜不許嘗歲除夜以青繪鏐不許嘗歲除夜不許嘗歲除夜

日聞者以我為長夜之飲遂罷錢易家話稱鏐公燕不二羹戴衣必三澣然後易劉恕以為錢元瓘子信

撰吳越備史備史遺事忠懿王勳業志戊申英政錄弘侗子易撰家話侏子惟演撰錢氏慶系圖譜家王

故事秦國王貢奉錄故吳越五王行事失實尤多虛美隱惡甚於他國按錢鏐起於貧賤知民疾苦必不

至窮極侈靡其奢汰暴斂之事蓋其子孫所為也今從家話

七月梁主徵王彥章還大梁歐陽史云末帝罷彥章以段凝為招討使彥章

馳至京師入見以笏畫地自陳勝敗之迹巖等議有司劾彥章不恭勒還第今從實錄

八月梁敬翔李振請罷段凝歐陽史以為太祖時事按晉人取魏博然後與

梁以河為境故常以太軍守之太祖時未也就使當時曾屯軍河上亦未繫社稷之安危也況太祖時振言聽計從均王時始踈斥比必均王時事也既

不知其的在何時故因疑任招討使而見之蜀內皇城使潘在迎在迎先為內皇城使敗雅州蜀

故丘稱其舊官

九月李從珂敗王彥章前鋒於遞坊鎮薛史作遞公鎮今從實錄

十月梁主殺邵王友誨等薛史云友誨友能友誨莊宗入汴同日遇害按中都

既敗均王親弟為疑而殺之況其從弟嘗為亂者豈得獨存故附於此

皇甫麟莊宗實錄麟作麟今從莊宗列傳及薛史

帝命訪求梁主或以其首獻實錄帝慘然曰敵惠敵

十年戰爭恨不生識其面按莊宗漆均王首藏之太社豈有欲全之之理此特虛言耳

漆朱友貞首藏太社薛史末帝紀云詔河南尹張全義收葬之今從實錄

十一月張全義請帝遷都洛陽實錄甲辰議脩洛陽太廟按梁以太原為西京

東京洛京為西京莊宗以魏州為東京太原為西京真定為比都及滅梁廢東京復為汴州以永平軍為西京而不云以洛陽為何京若以為東京則與魏州無以異諸書但謂之洛京亦未嘗有詔改梁西京為洛京也至同光三年始詔依舊以洛京為東都或者以永平為西京時即改梁西京為洛京而史脫其文也今無可質正故但謂之洛陽

十二月高季興過襄州斬關而去五代史補季興行已浹旬莊宗且悔

遽以急詔命襄州節度劉訓伺便圖之無何季興至襄州就館而心動謂親吏曰梁先輩之言中矣與其住而生不若去而死遂棄輜重與部曲數百人南走至鳳林關已昏黑於是斬關而出是夜三更向之急詔果至劉訓度其去遠不可逐而止王舉天下大定錄亦云莊宗遣使追之不及按季興自疑故斬關夜遁耳未必莊宗追之也今從薛史

二年正月岐王上表稱臣

茂貞改封秦王薛史無的確年月實錄同光元年十一月壬寅已稱秦王茂貞遣使賀收復自後皆稱秦

王至二年二月辛巳制秦王李茂貞可封秦王豈有秦王封秦王之理必是至時始自岐王封秦王也

五月戊申蜀主遣李嚴還

實錄七月戊午蜀遣歐陽彬朝貢十月癸巳遣客省

使李嚴克蜀川回信使三年八月戊辰嚴自西川迴蜀書四月已巳朔唐使李嚴來聘五月戊申遣嚴歸本國十一月已未朔遣彬為唐國通好使按錦里耆舊傳是歲遣歐陽彬通聘洛京莊宗遣李嚴來修好

笏記云豈謂大蜀皇帝特遣蘇張之士來追唐蜀之歡吾皇迴感於蜀皇復禮遠酬於厚禮然則嚴為回信使也或者歐陽彬之前蜀已有入洛之使乎若如實錄年月則李嚴以二年十月奉使至三年八月方歸何留之久乎十國紀年蜀史又云九月已亥唐帝遣李彥稠來使十一月辛丑遣彥稠東還又八月以後遣王宗鐸等成洋利以備東師此似用宋光葆之言十一月以後以唐國通好召諸軍還似因彥稠來而罷之今並從蜀書年月

十一月蜀主遣歐陽彬來聘

實錄七月戊午蜀主遣戶部侍郎歐陽彬來使

致書用敵國禮蜀書後主紀十一月乙未命翰林學士兵部侍郎歐陽彬為唐國通好使今從之

三年十月丁丑蜀威武城降

實錄十月戊寅魏王繼

興文成四州降前一日康延孝李嚴至故鎮威武城唐景思等降按今故鎮在鳳州西四程延孝未下鳳州何能先至故鎮又蜀之守禦必在鳳州之東或者當時鳳州之東別有威武城亦名故鎮非今之故鎮

歟

辛巳興州刺史王承鑿弃城走

實錄甲申魏王至故鎮康延孝收興州十

國紀年辛巳承鑿出奔甲申繼歲郭崇韜至威武城今從之

十一月自出師至克蜀凡七十日

實錄自興師出洛至定蜀城計七十

五日薛史因之按唐軍九月戊申離洛城十一日丁巳入成都止七十日耳實錄薛史之誤也

十二月郭崇韜表董璋為東川節度使

莊宗實錄十一月丙寅以

靜難節度使董璋為東川節度副大使又康延孝傳云郭崇韜除董璋為東川節度使延孝與華州節度

使毛璋見崇韜請以工部任尚書為東川帥崇韜怒曰紹琛反耶敢違吾節度不及二旬崇韜為繼岌所

害按大軍以十一月二十八日丁巳入西川至十二月八日丙寅除董璋東川凡十日明年正月八日殺

崇韜至此凡六十日而不及二旬崇韜遇害日月殊不相合蓋十二月丙寅崇韜始表璋鎮東川之日

耳非降制日也云不及二旬亦恐誤

王宗弼求西川崇韜陽許之

實錄薛史皆云崇韜以蜀帥許之按崇韜有識

略豈可興大兵取西川及以與宗弼乎此庸人所不為也蓋於時宗弼尚據成都崇韜恐其悔而違拒故

陽許之以安其意耳

明宗天成元年二月己亥魏王繼岌至利州遣任圜

等討李紹琛

莊宗實錄己亥繼岌奏康延孝叛遣任圜追討按延孝丁酉叛於劍州豈得已

亥奏報已至洛舊本己亥魏王至利州桔柏津使夜來告繼岌言李紹琛令斷浮梁繼岌署任圜為副招

討使令率七千人騎與都指揮使梁漢顯監軍李廷安討之今從之

三月甲子夜張破敗作亂

莊宗實錄壬戌今上至鄴

日入鄴都明宗實錄三月六日帝至鄴都八日夜破敗作亂薛史莊宗紀王子嗣源至鄴都甲寅夜破敗

作亂明宗紀與實錄同按長曆此月丁巳朔無壬子甲寅今從實錄及明宗本紀

四月李嗣源至嬰子谷聞莊宗殂莊宗實錄云今上至鄭州聞變今從

明宗實錄

李存沼者莊宗之近屬唐愍帝實錄符彥超傳云皇弟存沼薛史歐陽史彥超傳

弟無名存沼者存霸自河中衣僧服而往非今日傳

莊宗之命者也或者武皇之姪莊宗之弟別無所據不敢決定故但云近屬

百官請嗣源監國監國本太子之事非官非爵然五代唐明宗潞王周太祖皆嘗監國

漢太后今日中外事取監國處分又誥曰監國可即皇帝位是時直以監國為稱號也今從之

李從襲勸魏王繼岌亟東行莊宗實錄征蜀初為都監後勸繼岌殺郭崇韜

者李從襲也明宗實錄云宦官都監李繼襲勸繼岌東還及今自殺又云任圜監軍李廷襲欲存康延孝

及至華州為李冲所殺者復云李從襲蓋從襲誤為繼襲廷襲今從莊宗實錄

六月高季興求憂忠萬三州莊宗實錄王建於夔州置鎮江軍節度以夔忠

萬施為屬郡雲安監有權鹽之利建升為安州王舉章平蜀詔季興自收元管屬郡荆南軍未進夔州連

帥以州降繼岌十國紀年荆南史天成元年二月王表請憂忠萬三州及雲安監隸本道莊宗許之詔命

未下莊宗遇弒六月王表求三州明宗許之劉恕按莊宗實錄及薛史帝紀同光三年十一月庚戌荆南

高季興奏收復夔忠等州會顏勃海行年記云得夔忠萬等州明宗實錄及薛史韋說傳云討西蜀季興

請攻峽內先朝許之如能得三州俾為屬郡三州既定季興無尺寸之功莊宗實錄同光四年三月丙寅

高季興請峽內夔忠萬等州割歸當道明宗實錄天成元年六月甲寅高季興奏去冬先朝詔命攻取峽

內屬郡尋有施州官吏知臣上峽率先歸投忠萬夔三州旦夕期於收復被郭崇韜專將文字約臣回歸方欲陳論便值更變此說頗近實故從之蓋三十年十一月庚戌季興奏請三

月憂忠萬三州降於繼岌十一月庚戌季興奏請三

州為屬郡舊史誤云奏收復也行年記差繆最多不可為據或者夔州雖自降於繼岌季興表云收復三州攘為已功亦無足怪今從明宗實錄

七月姚坤告哀於契丹漢高祖實錄作苗紳今從莊宗列傳

丙子葬莊宗實錄乙亥梓宮發引是月遷幸雍陵按莊宗實錄哀冊文云丙子今從之

九月契丹阿思沒骨餒來漢高祖實錄作沒姑餒今從明宗實錄及會要

是月吳越王鏐改元寶正閩自若唐末況聞錄云同光四年京師亂朝命斷絕

鏐遂僭大號改元保正明年明宗錫命至廼去號復用唐正朔紀年通譜云鏐雖外勤貢奉而陰為僭竊私改

年號于其國其後子孫奉中朝正朔漸諱改元事錢俶納土凡其境內有石刻偽號者悉使人交午鑿滅之惟今杭州西湖落星山塔院中有鏐封此山為壽星寶石山偽詔刻之于石雖經纒毀其文尚可讀

後題云寶正六年歲在辛卯明宗長興二年也其元年即天成二年也好事者或傳曰保正非也余公綽

閩王事跡云同光元年春梁策錢鏐為尚父來年改寶正元年永隆三年吳越世宗文穆王薨林仁志王氏啓運圖云同光元年梁封浙東尚父為吳越國王

季自改元寶正長興三年吳越武肅王崩子世皇嗣承隆二年吳越世皇崩子成宗嗣公綽仁志所記年

歲差繆然可見錢氏改元及廟號故兼載焉至今兩浙民間猶謂錢鏐為錢

太祖今參取諸書為據

二年二月討高季興東川董璋克東南面招討使夔

州刺史西方鄴副之按梓夔皆在荆南之西南而云東南面者蓋據夔梓所向言之

耳

十月孫晟勸朱守殷反江南錄作孫忌今從王溥周世宗實錄

三年十二月高季興卒唐明宗實錄天成三年十一月壬午房知溫奏高季興卒

烈祖實錄亦云乾貞二年十一月季興卒蓋傳聞之誤按陶穀季興神道碑及勃海行年記皆云十二月

月

月

月

月

今從之

十五年日卒

四年九月供奉官烏昭遇使吳越

將軍蓋借官耳今

從實錄等諸書

十二月吳徐知誥酖弟知詢

本本疑而不飲佯醉別引一卮均酒之半跪捧而進
曰陛下千萬歲陛下若不飲此非君臣同心同德之
義也臣不敢奉詔上色變無言久之左右皆相顧流
汗莫知所從伶倫申漸高有機智者竊諭其旨乃乘
談諸盡併兩盞以飲之內杯於懷中亟趨而出上密
使親信持藥請私第解之已不及矣漸高腦潰而卒
江表志烈祖曲宴引金鍾賜知詢酒曰願我弟百千
長壽知詢疑懼引他器均之曰願與兄各享五百歲
知誥不飲久之樂工申漸高乘詎諧併而飲之至家
腦潰而卒二書皆出文寶而不同乃爾按知誥既即
位欲除周本自應多方不第
如此云酖知詢近是今從之

長興元年十一月甲戌王弘贇等破劍州

實錄辛巳

月十三日王弘贇馮暉自利州入山路出劍門關外
倒大軍進攻入劍門次又丙戌軍前奏今日十七日
溫下劍州破賊千餘人獲指揮使劉太李吳蜀高祖
實錄已卯東川告急今月十八日北軍自白衛嶺人
頭山後過從小劍路至漢源驛出頭倒入劍門打破
關寨掩捉彥溫及將士五百餘人遂相次構喚大軍
據關下營又龐福誠謝錚相謂曰北軍昨來既得關
寨之後隔一日大軍曾下至劍州而迺般運糧食燒
舍白驚還奔關寨十國紀年後蜀史壬申弘贇暉襲
陷劍門癸酉攻焚劍州取糧還屯劍門已卯東川告
急使至成都知祥命衙內都指揮使李肇帥兵五千
赴援董璋自閬州帥兩川兵屯木馬寨先是龐福誠
謝錚屯閬州北來蘇寨聞劍門陷懼北軍據劍州帥
部兵千餘人由問道先董璋至劍州壁于衙城後士
卒方食北軍萬餘人自北山馳下福誠等趨河橋迎
擊之北軍小却福誠帥數百人夜升北山顛轉至北
軍壁外大呼謀殺命將士以弓弩短兵前急擊之北

通鑑長興元年

軍驚擾弃戈甲而遁錕追襲之北軍退保劔門六餘
日不窺劔州按劔門至成都尚十許程若十八日劔
門失守何得二十日知祥已聞之邪今從實錄十三
日壬申為定若隔一日下至劔州則十五日甲戌非
十七日也故思同等以大軍未至故收糧燒舍還保
劔門故福誠等得復入劔州李昊叙事甚詳無執劉
太事今刪之晉高祖實錄云甲
由平劔州破賊千餘人充誤也

契丹東丹王突欲來奔

實錄阿保機妻令元帥太子
往渤海代慕華歸西樓欲立

為契丹王而元帥太子既與兵柄不欲之渤海遂自
立為契丹王謀害慕華其母不能止慕華懼遂航海
內附按天皇王入汴猶求害東丹者
誅之豈有在國欲殺之理今不取

二年閏五月殺安重誨

五代史闕文李從璋奮槊擊
重誨于地重誨曰重誨死無

恨但不與官家誅得路王佗日必為朝廷之患言終
而絕按重誨自以私憾欲殺從珂當是時從珂未有
跋扈之跡重誨何以知其為朝廷之患此恐是
清泰篡立之後人譽重誨者造此語未可信也

資治通鑑考異卷第三十

後唐紀下

潞王清泰元年三月朱弘昭赴井死安從進殺馮贇

張昭閔帝實錄帝召弘昭不至俄聞自殺乃令從進殺贇按從進傳贇首於陝則贇死非閔帝之命明矣

取今不
四月庚午劉知遠盡殺閔帝左右及從騎閔帝實錄庚午朔四

鼓帝至衛州東七八里遇敬瑭竇貞固晉高祖實錄始帝欲與少主俱西斷孟津北據壺關南向徵諸侯兵乃啓問康義誠西討作何制置云云蘇逢吉漢高祖實錄是夜偵知少帝伏甲欲與從臣謀害晉高祖許屏人對話方坐庭廡帝密遣御士石敢袖鎚立於後俄頃伏甲者起敢有勇力擁晉祖入一室以巨木塞門敢力當其鋒死之帝解佩刀遇夜晦以在地葦炬未燃者奮擊之衆謂短兵也遂散走帝乃匿身長

垣下聞帝親將李洪信謂人曰石太尉死矣帝隔垣呼洪信曰太尉無恙乃踰垣出就洪信兵其護晉祖殺建謀者以少主授王弘贊南唐列祖實錄弘贊曰今京國陷危百官無主必相率攜神器西向公何不囚少帝西迎潞王此萬全之計敬瑭然其語按為晉漢實錄者必為二祖飾非今從閔帝實錄

是日太后令內諸司迎潞王廢帝實錄三十日太后傳令至并內司迎奉至

乾壕帝促令還京按長曆三月辛丑朔四月庚午朔三月無三十日廢帝實錄誤也

癸酉廢少帝為鄂王閔帝實錄云七日廢帝為鄂王今從廢帝實錄

十二月葬鄂王閔帝實錄及薛史閔帝紀皆云晉高祖即位謚曰閔與秦王及重吉並葬

徽陵域中今從廢帝實錄

二年三月吳徐知誥令陳覺輔景遷江南錄時先主權位日隆中外

皆知有代謝之勢而以吳主恭謹守道欲待嗣君先主次子景遷吳主之婿也先主鍾愛特甚齊丘使陳

覺為景遷教授為之聲價齊丘參決時政多為不法輒歸過於嗣主而盛稱景遷之美幾有奪嫡之計所以然者以吳主少而先主老必不能待他日得國授於景遷易制已為元老威權無上矣此其日夕為謀也先主覺之乃召齊丘如金陵以為己之副遙兼申蔡節度使無所關預從容而已今從十國紀年

後晉紀

高祖天福元年五月魏溥逐劉延皓廢帝實錄延皓皇后之姪按薛

史唐餘錄歐陽史皆云延皓后之弟應州人也延朗宋州虞城人也獨廢帝實錄云后姪今不取

七月誅石敬瑭之子重殷重裔薛史七月已丑誅右衛上將軍石重英皇

城副使石重裔皆敬瑭之子也廢帝實錄云石諱妣男尚食使重又供奉官重英與薛史不同按重又敬瑭子即位後為張從賓所殺實錄誤也廣本英作殷今從之

九月契丹五萬騎自揚武谷而南代州今有陽武寨其北有長城嶺聖

佛谷今從漢高祖實錄作揚武

契丹陳於虎北口

按幽州北山口名虎北口亦名古北口此在太原而云陳於虎北口

又云歸虎北口蓋太原城側別有地名虎北口也

十月詔每七戶出征夫一人

薛史云十戶今從廢帝實錄

十一月丁酉石敬瑭即皇帝位

廢帝實錄閏月丁卯胡立石諱為天子於

柳林誤也今從晉高祖實錄薛史契丹冊文

閏月契丹主令太相溫送帝至河梁

廢帝實錄作高謨翰范質陷蕃

記作高模翰歐陽史作高牟翰蓋蕃名太相溫漢名高謨翰今從晉高祖實錄

二年正月乙卯日有食之

實錄正月甲寅朔乙卯日食十國紀年蜀乙卯朔日

食蓋晉人避三朝日食改曆耳

二月吳越王鏐少子元球

平高祖實錄十國紀年作元球今從吳越備史九國志

十月唐李德誠出宋齊丘書

十國紀年云遺宗信書今宗信諷止德誠勸進

而不云宗信何人今但云止德誠勸進書

十一月加錢元瓘天下兵馬副元帥進封吳越國王

實錄天福二年十一月加元瓘副元帥國王程遜等為加恩使四年十月丙午以程遜沒于海廢朝贈官

程遜傳云天福二年秋使吳越使回溺死元瓘傳云天福三年封吳越國王蓋二年冬制下遜等以三年

至杭州不知溺死在何年而晉朝以四年十月始聞之也吳越備史天福二年四月敕遣程遜等授王副

元帥國王甲午王即位用建國之儀如同光故事是歲程遜還京溺于海按元瓘初立稱鏐遺命止用藩

鎮禮明年明宗封吳王應順初閔帝封吳越王故以天福二年即王位而備史以為授元帥國王然後即

位誤

以賈仁沼代胡漢筠

薛史仁沼作仁紹今從實錄

三年八月以馮道劉昫為契丹冊禮使

周世宗實錄馮道傳云虜

遣使加徽號於晉祖晉亦獻徽號於虜始命兵部尚書王權銜其命權辭以老病晉祖謂道曰此行非卿不可道無難色按晉高祖實錄天福三年八月戊寅道為契丹太后冊禮使十月戊寅北朝命使上徽號

戊子王權以不受北使停任周世宗實錄誤也

十月桑維翰李崧皆罷樞密使

竇貞固晉少帝實錄及薛史劉處讓傳云

楊光遠入朝遂於高祖前面言執政之失乃罷維翰等樞密使以處讓為之楊光遠傳云范延光降光遠面奏維翰擅權高祖以光遠方有功於國乃出維翰領安陽光遠為西京留守今按晉高祖實錄天福三年十月壬辰維翰崧罷樞密使庚子光遠始入朝對於便殿十一月戊申光遠為西京留守天福四年閏

七月壬申維翰出為相州節度使蓋處誤光遠傳之誤皆少帝實錄及薛史桑維翰傳敘光遠鎮洛陽後

疏維翰出相州是也

十一月吳讓皇卒

薛史唐餘錄皆云溥禪位踰年以幽卒歐陽史但云卒九國志云溥

能委運授終不羅篡殺之禍深於機者也十國紀年曰辛丑唐人弒讓皇事不可明今但云卒

四年二月唐主復姓李氏祖吳王恪

周世宗實錄及薛史稱昇唐玄

宗第六子永王璘苗裔江南錄云憲宗第八子建王恪之玄孫李昊蜀後主實錄云唐嗣薛王知柔為嶺南節度使卒於官其子知誥流落江淮遂為徐溫養子吳越備史云昇本潘氏湖州安吉人父為安吉此石將吳將李神福攻衣錦軍過湖州虜昇歸為僕隸徐溫嘗過神福愛其謹厚求為養子以識云東海鯉魚飛上天昇始事神福後歸溫故冒李氏以應讖劉恕以為昇復姓附會祖宗故非李氏而吳越與唐人讐敵亦非實錄昇少孤遭亂莫知其祖系昇曾祖超祖志乃與義祖之曾祖祖同名知其皆附會也

四月唐人遷讓皇之族於秦州十國紀年唐人遷讓皇之族於秦州號永
 寧宮守衛甚嚴不敢與國人通昏姻久而男女自為
 匹偶江表志讓皇子及五歲遣中使拜官賜朝服即
 日而卒按唐烈祖受禪使讓皇居故宮稱臣上表慕
 仁厚之名若惡楊氏則滅之而已何必如此之汚也
 它書皆未之見不知
 紀年據何書今不取

閏七月閩王延羲弒康宗自稱威武節度使閩國王

改元永隆十國紀年通文四年延羲自稱威武節度使改元永隆即晉天福四年也周世宗實

錄薛史唐餘錄南唐烈祖實錄吳越備史及運曆圖紀年通譜皆同惟閩中啓運圖通文四年已亥閩七月延羲立明年庚子改元永隆五年甲辰被弒林仁志閩國人載延羲改年宜不差失然五代士人撰錄國書多不憑舊文出於記憶及傳聞雖本國近事亦有抵牾者高遠敘事頗有本末余公綽雖在仁志之後然亦閩人故不敢備從仁志所記又王曦既立若但稱節度使則不應改元及其臣為三公平章事

按晉高祖實錄天福五年十一月甲申授閩國王延
 羲威武軍節度使閩國王是曦先已自稱閩國王紀
 年脫漏耳

五年正月釋閩使鄭元弼等洛中紀異云昶既為朝

於契丹即將籍沒之物為贄晉祖方卑辭以奉戎主
 戎主降偽詔曰閩國禮物並付喬榮放其使人還本
 國晉祖不敢拒之既而昶又遣使於契丹求馬田滄
 齊淮甸路南去自茲往復不一時人無不憤惋按昶
 以天福四年閏七月被弒十月元弼等
 至京下獄昶安得知而告契丹今不取

六年九月辛酉滑州言河決舊唐紀載九月辛酉滑

州決高祖實錄載庚午濮州奏河決而不載庚午濮
 州決五代會要及志皆云天福六年九月決滑州究
 濮州界皆為水漂溺史臣翰傳亦云天福六年白馬
 河決按辛酉滑州河已決則下流皆涸濮州無庚午
 再決之理蓋滑州河
 決漂浸及濮州耳

七年五月帝寢疾以幼子屬為道漢高祖實錄晉高

之日此天下明宗之天下寡人羅而處之久矣寡人

齊王天福八年三月閩王納尚保殷之女為妃閩錄

可設今從十國紀年

九月河陽牙將喬榮漢隱帝實錄作喬榮陷蕃記作

薛史景延廣傳契丹傳

開運元年正月唐主敕齊王景遂參決庶政蕭儼上

疏江南錄此敕在去年十二月今從十國

二年三月李仁達殺王繼昌閩中實錄閩王列傳凡

今從十國紀年

仁達立卓巖明為帝閩錄啟運圖啟國實錄江南錄

國志薛史唐餘錄王審知傳吳越備史作儼明按

運圖巖明本名偃為僧名體明即位改巖明今從之

江南錄云繼昌為裨將王延諷所殺旬日故

晉軍至白團漢高祖實錄作白檀

三年四月中山人孫方簡周世宗實錄云清苑

九月契丹使劉延祚詐以瀛州內附歐陽史作高牟

云延祚詐輸誠款後云大軍至瀛州偵知蕃將高模

翰潛師而出蓋延祚為刺史模翰乃戍將耳今從陷

十一月杜威趣恒州以張彥澤為前鋒備史曰彥澤

已變矣乃通款不律氏請為前導因促驕說威引軍

步衆跨水不之救致敗將沮人心以行詭計因促監者高勳請降於虜按彦澤與威若已通款於契丹則何故猶議回旋今不取

十二月彦澤殺桑維翰薛史帝思維翰在相時累貢謀畫請與虜和慮戎主到京

則顯彰已過欲殺維翰以滅口因令張彥澤殺之按是時彥澤豈肯復從少帝之命令今不取

後漢紀

高祖天福十二年正月晉主迎契丹主辭不見漢高祖實

錄少帝帥族候於野邪律氏疏之帝指陳前事乃大臣同謀皆歷歷能對無撓屈色邪律氏亦假以顏色

陷蕃記薛史帝紀五代通錄云戎主不與帝相見少帝實錄帝舉族待罪於野虜長面撫之遣泊封禪寺

今從陷蕃記

契丹主以劉晞為西京留守實錄作禧或云名晞今從陷蕃記

潘聿撚為橫海節度使周太祖實錄聿撚作聿涅今從陷蕃記

二月延州軍亂逐周密推高允權為留後周太祖實錄允權為

膚施令陷蕃記云前錄事參軍退居田里漢高祖實錄云允權為延州今周密以允權故將之子恐與邊

人締結移為州主簿密後以暗而黨下惟誅掠是務允權乘其民怨時以言間之復遣親黨潛搆諸部衆

心遂搖廣本云允權為延州令密徙為錄事參軍今從之周太祖實錄又曰契丹犯闕以周密為延帥按

晉少帝實錄開運三年八月辛未以右龍武統軍周密為彰武節度使非契丹所授今從漢高祖實錄

三月以皇弟崇行太原尹薛史云崇高祖從弟王保衡晉陽見聞錄云仲弟歐

陽史云毋弟今從實錄

劉晞奔許州方太入洛陽伊闕賊帥稱天子太擊走

之實錄方太傳云劉禧走許田復有賴陽妖巫姓朱號嗣密王誓衆於洛南郊天壇號萬餘人大率部

兵與朝士輩虛張幡幟一舉而逐之洛師遂安今從陷蕃記

丙子契丹主卒 實錄云二十日乙亥卒今從陷蕃記

五月馬希範卒劉彥瑫等立希廣 十國紀年五月巳丑希範得疾集國

官告以傳位希廣湖湘故事希廣又不能彊弱猶豫之間群輔明日衆口勸上乃受軍府排衙賀之以其事奏朝廷託以希範臨終之日遺言以付希廣按希範存時若已集國官傳位希廣則沒後將佐誰敢更有異議必彥瑫等假託希範遺令也今從湖湘故事

乾祐元年三月徙孫方簡為大同節度使 實錄方簡作方諫按

方簡避周諱改名方諫實錄誤也

匡國節度使張彥威 周太祖實錄作彥成蓋避周祖諱薛史因之今從廣本

八月壬午以郭威為西面軍前招慰安撫使 薛史周太祖紀

七月十三日授同平章事即遣西征以安慰招撫為名八月六日發離京師漢隱帝周太祖實錄七月加平章事制詞無西征之言至八月壬午方受命出征蓋薛史之誤

九月李彥從破蜀兵于散關 實錄戊辰樞密使郭諱掩襲川賊至大散關殺賊三千餘其棄甲而遁漢隱帝實錄九月李彥從敗蜀兵於散關而蜀後主實錄無之蜀實錄十月安思謙敗漢兵於時家竹林遂焚蕩寶雞十二月又敗漢兵於王女潭而漢實錄無之蓋兩國各舉其勝而諱其敗耳然漢實錄言官軍不滿萬人而蜀兵數倍是二三萬人非小役也豈得全不書殺三千人非小敗也豈十月遠能再舉蓋九月止是蜀邊將小出兵為漢所敗漢將因張大而矣之耳又蜀實錄十月但云思謙退次鳳州不云歸興元十二月云思謙自興元進次鳳州蓋十月脫略耳

十二月蜀兵食盡引去 十國紀年蜀廣政十二年正月甲寅思謙以軍食匱竭自

摸壁退次鳳州上表待罪蓋去年冬末已退軍明年正月表始到成都耳今從周太祖實錄

蜀監錄卷之三

八

隱帝乾祐二年五月吳越內牙都指揮使斜滔吳越備史

十國紀年滔姓皆金旁斗按何氏姓范元和姓纂皆無此姓今据字書斜音如口徒口二切皆云姓也

三年四月郭榮本姓柴世宗實錄曰太祖皇帝之長子也母曰聖穆皇后柴氏以

唐天祐十八年九月二十四日丙午生於邢臺之別墅薛史世宗紀云太祖之養子蓋聖穆皇后之姪也

本姓柴氏父守禮太子少保致仕帝年未童冠因侍聖穆皇后在太祖左右時太祖無子乃養為己子按

今舉世皆知世宗為柴氏子謂之柴世宗而世宗實錄云太祖長子誣亦甚矣

十月楚劉彥瑫攻朗州為馬希萼所敗湖湘故事彥瑫敗在九月

十三日今從十國紀年

十一月希萼發兵趣長沙湖湘故事希萼以十月十一日直往湖南今從十

年國紀

已卯侯益等將禁軍趣澧州郭威獲驚脫隱帝實錄

至澧州戊寅鄴兵至河上已卯吳虔裕入朝庚辰詔侯益等赴澧州守捉鄴軍獲驚脫又云庚辰鄴諱

李洪義得密詔遣陳光穗至鄴都翌日郭威以衆南行戊寅至澧州庚辰至滑州是日詔侯益等赴澧州

守捉餘與實錄同周太祖實錄十四日陳光穗至澧州日遵路明日遇驚脫云見召侯益等令守澧州十六

日趨滑臺十七日賞諸軍令奉行前詔十八日自滑而南薛史周太祖紀十六日至澧州獲驚脫十七日

至滑州餘與實錄同按丁丑十四日也若十七日始詔侯益赴澧州則十六日郭威獲驚脫何故已見之也

蓋帝遣侯益赴澧州必在十六日驚脫行在遣益之後今從薛史

周太祖紀

辛巳宋延渥以滑州降郭威隱帝實錄十一月丙子

州王殷錮業送郭威即日首塗戊寅至河上見王殷庚辰次滑州周太祖實錄云十三日夜太祖夢入朝

見至詰日以夢示峻是日陳洪穗至鄴都是十四日
丁丑也翌日為衆所迫遵路十五日戌寅也明日行
次遇鷲脫欲往澶州十六日巳卯也下文又云十六
日趣滑臺按大梁至澶州二百七十里澶州至鄴都
一百四十里至滑州三百二十里不應往還如是之
速漢周實錄首塗與至滑州日不同蓋十六日趣滑
州十七日至滑州也
今從周太祖實錄

帝為亂兵所弒

趙村前鋒已及亂兵騰沸上懼下馬入於民室郭允
明知事不濟乃抽刃犯蹕而崩薛史隱帝紀郭允
知事不濟乃刺刃於帝而崩允明自殺周太祖紀云
允明弒漢帝於比郊劉恕曰允明帝所親信何由弒
逆蓋郭威兵殺帝事成之後諱之因允明自殺歸罪
耳按弒帝者未必是允明但莫知為誰故止云亂兵
獲劉銖囚之五代史開文周祖自鄴起兵銖盡誅周
祖之家子孫婦女十數人極其慘毒反
隱帝遇害周祖以漢太后令收銖下獄使人責銖
其家對曰銖為漢家戮叛族耳不知其他威怒殺之

王諱日周世宗朝止官修漢隱帝實錄銖之忠言
載銖今有子孝和擢進士第按銖所不
諱諱在青州謀不受代賴郭瓊諭之始入朝私怨得
中伊其就戮隱帝敗歸射而不納使至野死其屠滅
周祖之家出於殘忍之性耳豈忠義之士
邪王禹偁所記蓋憑孝和之言耳今不取

馮道受郭威拜

五代史闕文周祖入京師百官謁之
受拜如平時徐曰侍中此行不易周祖氣沮故禪代
之謀稍緩按周祖舉兵既克京城所以不即為帝者
蓋以漢之宗室崇在河東信在許州實不在徐州若遠
代漢慮三鎮舉兵以興復為辭則中外必有響應者
故陽稱輔立宗子信素庸愚不足畏忌贊乃崇子故
迎贊而立之使兩鎮息謀俟其離徐已遠去京稍近
然後并信除之則三鎮去其二矣然後自立則所與
為敵者惟崇而已此其謀也豈馮道受拜之所能沮
乎道之所以受拜如平時
者正欲示器宇疑重耳

遣馮道等迎武寧節度使贊

周太祖實錄已丑太祖
奏遣前太師馮道往

諭旨太祖將奉表於徐州未知所遣樞密直學士王
度請行許之幸臣百察表祕書監趙上交齋詔同日
首塗五代史闕文周祖請道詣徐州冊相陰公為漢
嗣道曰侍中由乘乎周祖設誓道曰莫教老夫為謬
語人及行謂人曰平生不謬語今為謬語人矣王禹
偁曰周世宗朝詔史臣修周祖實錄故道之事迹所
宜諱矣按道廉智且將陽愚遠禍恐不肯觸周祖未
發之機其徒欲歸美而云耳入隱帝實錄云初議立
徐帥太后遣中使馳諭劉崇請崇入繼大位
崇知立其子上章謙遜恐無此事今不取
太后臨朝周太祖實錄云太后自臨朝今稱制隱
帝實錄自是主國亡止稱詔今從之
殺劉銖等赦其家實錄國子博士司天監洛陽王處
處訥曰漢歷未盡但以即位後讐殺人夷人之族怨
結天下所以社稷不得久長耳時周祖方以兵圍蘇
逢吉劉銖之弟俛旦而族之聞其言蹶然遽命釋之
按周祖時方迎相陰公立之豈得遽言劉氏祚短乎
取不

十二月武陵何敬真湖湘故事九國志作何景真今從十國紀年

太祖廣順元年二月馬希萼遣劉光輔入貢于唐湖湘故事光輔作光瀚今從十國紀年

楚小門使謝彥顥湖湘故事作謝延澤今從十國紀年

五月北漢鄭珙卒于契丹晉陽見聞錄鄭珙既達虜

酒池肉林為名雖不飲酒如韋曜輩者亦加灌注縱
成疾無復信之珙魁岸善飲罹無量之逼宴罷載歸
一夕腐脇於窮廬之擅堵間輿尸而復命九國志契
丹宴犒漢使必厚具酒肉以示夸大高祖鎮河東嘗
命韋曜北使曜羸瘠不能飲酒虜人強之遂卒按韋
曜孫皓時人韋昭也不能飲酒王保衡引以為文章
而路振云高祖時人誤也

九月戊寅徐威等囚馬希萼十國紀年作丁丑按湖湘故事在十九日今從之

二年十月楊信子崇訓崇訓或作崇勳世宗實錄作崇訓後蓋避梁王宗訓改名也

顯德元年正月丙申晉王即帝位太祖實錄乙未宣遺制晉王榮可於

樞前即皇帝位世宗實錄丙申內出太祖遺制群臣奉帝即皇帝位蓋以乙未宣遺制丙申即位也

二月契丹遣楊衮將萬餘騎如晉陽晉陽見聞錄衮帥騎五七萬號

十萬來會今從世宗實錄

張元徽為前鋒世宗實錄賊將張暉領三千騎為前鋒今從晉陽見聞錄

三月癸巳前鋒與北漢兵遇擊之世宗實錄甲午賊陳於高平南之

原按丁又有甲午此必癸巳誤也今從十國紀年

楊衮全軍而退五代史補劉崇求援於契丹得飛騎數千及觀世宗兵少悔之召諸將謀

曰吾觀周師易與耳契丹之衆宜勿使但以本軍決戰不唯破敵亦足使契丹見而心服諸將皆以為然乃使人謂契丹主將曰柴氏與吾主客之勢已見必不煩足下餘刃敢請勒兵登高觀之可也契丹不知其謀從之泊世宗之入陳也三軍皆賈勇爭進莫不一當百契丹望而畏之故不敢救而崇敗今從世宗實錄

四月瀛文懿王馮道卒五代通錄蓋日文懿今從世宗實錄薛史

五月攻晉陽不克議引還世宗實錄徵懷孟蒲陝丁夫數萬攻城旦夕之間期

於必取會大雨軍士勞苦又聞忻口之師不振帝數日憂沮不食遂決還京之意晉陽見聞錄六月旦周師南轅返旆惟數百騎間之以步卒千人長槍赤甲銜趨捷跳梁於城隅晡晚殺行而抽退今從世宗實

十一月北漢主殂

劉恕云世宗實錄薛史帝紀僭偽傳皆云顯德二年十一月劉崇卒

大定錄云顯德二年春是病死紀年通譜顯德二年

崇之乾祐八年冬崇死顯德三年承鈞改元天會開

寶元年承鈞之天會十三年死嗣寶二年繼元改元

廣運與國四年繼元之廣運十一年也河東劉氏有

國全無記錄惟其舊臣中書舍人直翰林院王保衡

歸朝後所纂晉陽偽署見聞要錄云甲寅年春南伐

敗歸夏周師攻圍是積憂勞成心疾是冬卒鈞即位

丁巳年正月旦改乾祐十年為天會元年又云鈞丙

戌年二十九嗣位年四十三卒右諫議大夫楊夢申

奉敕撰大漢都統追封定王劉繼顯神道碑云天會

十二年今皇帝踐阼之初年也十七年繼顯卒末題

廣運元年歲次甲戌九月丙午朔今按周廣順元年

辛亥是即帝位稱乾祐四年顯德元年甲寅是之乾

祐七年也是卒鈞立顯德四年丁巳鈞改乾祐十年

為天會元年宋開寶元年戊辰鈞之天會十二年也

鈞卒繼元立開寶七年甲戌繼元改天會十八年為

廣運元年據歷是歲九月丙午朔與國四年己卯

元之廣運六年也鈞以唐天成元年丙戌生至顯

元年甲寅嗣位乃二十九歲矣鈞及繼元踰年長

元蓋孟蜀後主漢隱帝周世宗之比也諸書皆傳聞

和因前後差矣惟晉陽見聞錄劉繼顯碑歲月最可考正故以為據

世宗顯德二年閏九月蜀趙玘以秦州降

十國紀年玘召宮屬

告之曰周兵無敵今朝廷所遣勇將精兵不死即逃

我輩不能去危就安禍且至矣衆皆聽命舉城叛降

周斜谷援兵亦潰五代通錄官軍之圍鳳州偽秦州

節度使高處儔引兵往復援之中塗聞黃花之敗奔

秦州玘與城中將校閉門不納處儔遂西奔玘即以城歸國今從實錄

三年二月潘叔嗣襲朗州王逵戰敗死

湖湘故事云王逵奉詔伐

吳有蜜蜂無萬數集達傘蓋周行逢內喜潛與潘叔

嗣張文表等謀曰我觀王公妖怪入傘他時忽落別

人之手我輩處身何地我等若三人同心共保馬氏

舊基同取富貴豈不是男兒哉叔嗣文表聞行逢之

言已會深意遂乃拜受此語各散歸營廣本達命行
營副使毛立為袁州管統軍使潘叔嗣張文表為前
鋒軍次醴陵縣吏請具牛酒犒軍立不許叔嗣文表
因士卒之怒縛立送于行逢以兵叛告達達連夜
輕舟奔朗州叔嗣追至朗州殺之湖湘故事達連夜
走歸朗州去經數日潘叔嗣始到潭州既聞王達走
歸朗州亦以舟棹倍程而起至朗州殺之今按世宗
實錄顯德三年二月丙寅朗州王進達言領大軍入
淮南界庚寅言入鄂州界攻下長山寨癸巳荆南高
保融言進達自岳州領兵復歸本道又云潘叔嗣為
先鋒行及鄂州叔嗣回戈襲武陵進達聞之倍道先
入武陵叔嗣攻其城進達敗走為叔嗣所殺又云三
月壬寅進達差牙將押送淮南將陳澤等蓋進達未
敗前奏事三月始達行在與薛史承襲傳及湖南傳
記略同惟湖湘故事及丁璫馬氏行事記載達攻袁
州叔嗣叛事曹衍云達三月至潭州四月叔嗣叛丁
璫云五月五日叔嗣殺達于朗州皆妄也周行逢據
湖南仕進尚門蔭衍屢獻文章不得調退居鄉里教
授及張文表叛辟為幕職事敗逃遁會赦乃敢出窮
困無以自進采摭舊聞撰湖湘馬氏故事二十卷如

京師獻之太宗憫其窮且老授將作監丞行本小人
言詞鄙俚非有意着書故故事顛倒前後自相違背
以無為有不可勝數素怨周行逢尤多誣毀不欲行
逢不預叔嗣之謀乃妄造此說凡載行逢罪惡之甚
皆出於衍云璫亦國初人知其說得於衍書皆不可為據今從十國紀年

十二月唐陳處堯如契丹乞兵十國紀年作兵部郎中段處常今從晉陽

見聞錄

四年三月唐周廷構等作劉仁贍表來降實錄時仁贍卧疾已

亟遂翻然納款而城內諸軍萬計皆屏息以聽其命
又曰仁贍輕財重士法令嚴肅故能以一城之眾連
年拒守逮其來降而其下無敢竊議者斯亦一時之
名將也歐陽史三月仁贍病甚已不知人其副使孫
羽詐為仁贍書以城降世宗命昇仁贍至帳前嘆嗟
久之賜以玉帶御馬復使入城養疾是日制曰劉仁
贍盡忠所事抗節無虧前代名臣幾人可比予之南
伐得尔為多乃拜仁贍檢校太尉兼中書令天平軍

節度使仁贍不能受命而卒世宗追封彭城郡王以其子崇讚為懷州刺史李景闡仁贍卒亦贈太師又曰仁贍既殺其子以自明矣豈有垂死而變節者乎今周世宗實錄載仁贍降書蓋其副使孫羽等所為也當世宗時王環為蜀守秦州攻之久不下其後力屈而降世宗頗嗟其忠然止以為大將軍視世宗待二人之薄厚而考其制書乃知仁贍非降者也今從之

五年三月唐主遣兵部侍郎陳覺奉表

十國紀年遣樞密使陳覺

奉表實錄載其表云今遣左諫議大夫兵部侍郎臣陳覺躬聽敕命蓋當時所假之官耳今從之

五月唐主去帝號稱國主用周正朔

世宗實錄薛史顯德二年乙卯

十一月伐淮南唐之保大十三年也三年正月四年二月十月三幸淮南五年戊午三月江北平唐之交泰元年也而江南錄誤以保大十五年事合十四年十五年丁巳改交泰五月去帝號明年乃顯德五年又明年即建隆元年中間實少顯德六年江南錄最為差誤其記李昇復姓亦先一年佗事故此不可考

按世宗取淮南年月專以實錄及薛史為據

六年正月唐宋齊丘縊死

江表志齊丘至青陽絕食數日家人亦菜色中使云

令公捐館方始供食家人以絮塞口而卒今從江南錄紀年

書

明倫彙編
家範典

